

---

張念祖編輯

中國歷代水利述要

---

# 中國歷代水利述要

中華民國二十一年八月初版



編輯者 華北水利委員會張念祖

審校者 華北水利委員會李書田

發行者 華北水利委員會圖書室

天津義租界五馬路十一號

每冊定價大洋五角概無折扣外埠另加郵費一角

# 中國歷代水利述要目錄

頁數

自序	一
弁言	五
上古及周秦之水利	七
兩漢之水利	一四
魏晉南北朝隋唐五季之水利	二五
宋之水利	三六
遼金之水利	五八
元之水利	六二
明之水利	七五
清之水利	九九

中國歷代水利述要

目錄

# 中國歷代水利述要

## 自序

知古而不知今，則泥而不化，不切於實用；知今而不知古，則古人已行之成法，尙以爲新，古人已闡之學理，尙以爲創，亦用力多而收功少。水利者工程科學之一也，古人只用人工之拙，誠不如今人兼用機械之巧；古人祇研究水流水勢之粗，誠不若今人兼研究水性水力水質之精；然就下也，潤物也，含沙也，噬隄也，激則溢，疏則順也，合則鉅，分則減也，古與今之水同也，治河之法不一，曰導，曰濬，曰疏，曰障，盡之矣；溉田之法不一，曰畜水，曰止水，曰蕩水，曰均水，曰舍水，曰瀉水，盡之矣；創之者古人，今人不過因之而已。大禹之功，彪炳於經史，合古今中外而莫與並，無庸論矣；隋煬暴主也，而開掘運河，調和南北之物產及文化，西洋人且震而驚之；賈魯元代之具臣也

，而治河方畧，舉以示人，補遷固河渠溝洫志所未備，水利家且交口稱頌之；況其更進者乎？不作爲科學研究之，談夏禹之治水，競傳蘇化黃能，及鎖巫支祁諸神怪，以爲非後人之所能做法；迨有清一代，沿隄大王廟，香火不絕，合龍朝奏，夕即虔祀演樂，以答神庥，此乃我國人之過也。有講求水利之專書，束而不觀，我負古人，庸古人負我乎？禹貢水經，註疏者夥矣，河渠溝洫，散見於正史及九通，歷代名臣名儒，更多關於水利之著述，近代省志及縣志，且列水利一門，記焉而必詳，典籍不可謂不富矣。特卷帙多，則畢讀也難，散見於各冊，則考研也尤難，欲探索一事，須羅列各書於案頭，一一而披覽之，恐閱未半而心已生厭，非節省時間之道也。夫振衣者能挈領，舉網者能得綱，則條理分明，事半而功倍，鉤玄提要，先儒韓退之，有以詔我矣。不揣謏陋，抄集我中國關於水利之往事及言論於一編，名曰中國歷代水利述要，既曰述要，

則其不詳也可知；加以書成倉猝，架上簡冊，又寥寥無幾，無枚舉飛書草檄之才，謬教史黃門之作急就篇，脫漏者應有之，謬誤者應亦有之；然歷十餘昏曉，參考之書籍雖鮮，而亦積數十種，對於中國談水利之往事，或亦十得其八九，不有椎輪，安有大輅，由略而求詳，自有各原書在，手此一編，可以省留心中國歷代水利者之時間，或亦有竹頭木屑之微效焉。慨我國各書局，無關於歷代水利之節本，恐古人之良法名言，沿沒而弗彰，謹事抄胥，聊叙舊事，人猥可以知今而不知古歟！中華民國二十年八月，昌黎張念祖自序。

中國歷代水利通要

自序





# 中國歷代水利述要

## 弁言

閭閻水亦有  
隄防

水利說非始  
於周禮

中國談歷代水利者，率曰：上古治水，有疏有浚，而無隄防，其說實非，此蓋由漢賈讓不與水爭地之上策誤之。考之禹貢：禹治冀州，首曰既載壺口，治梁及岐，次即曰既修太原，至於岳陽。蔡沉注曰：修因繇之功而修之；蓋當時繇築隄以障帝都，其功未成，故禹因而修之，其後功成。又曰：九澤既陂。蔡沉注曰：陂，陂障，亦隄也。何得曰禹之治水，僅疏浚乎？又曰：水利之說，上古無之，其說亦非。自黃帝畫野分州，經土設井，已開溝洫制之先聲；而濬畎洫距川，禹自言之；禹盡力乎溝洫，孔子言之；何得曰水利之說，始於周禮之遂人匠人稻人乎？禹治水之後，至商而河始決，經夏四百餘年，而無何患，漢治水之後，至宋而河始決，經魏晉南北朝隋唐五季，幾千餘年，而河無大

統言歷代水  
政防患興利  
之效

歷述古之諸  
水利者姓名

患；未始非防患之效也。商鞅盡廢井田，開阡陌，雖破敗溝洫制，而魏引漳水溉鄴，及秦開鄭國渠，均起於戰國之時。厥後歷漢，魏，兩晉，南北朝，隋，唐，五季，宋，金，元，明，清，引水鑿渠，史不絕書；未始非興利之效也。其姓名之顯著者，即治河而論；若漢賈讓，宋李垂，元賈魯，明徐有貞，劉大夏，潘季馴，清朱之錫，靳輔。即水田而論；若魏史起，秦鄭國，李冰，漢文翁，鄭當時，番係，嚴熊羆，兒寬，召信臣，魏劉馥，張邈，晉鄧艾，杜預，南生朝裴延儻，刁雍，隋盧賁，元暉，唐雲得臣，長孫祥，韋皋，于頔，白居易，宇文融，宋陳堯叟，蘇軾，元虞集，托克托，明徐貞明，汪應蛟，清怡親王允祥。或見諸事實，或與諸言論，焜耀史冊，更僕而難終。治河興利，而競談新法，視我國故有之陳跡如弁髦，恐未免貽數典忘祖之誚焉。茲謹取經史子集關於河防，及水利之精華，擇錄崖略，縮爲一編，或亦爲山壤海流之助歟。

## 上古及周秦之水利

女媧有功於治水

治水或謂始於禹，實則禹之前已有之；通鑑前編，五帝紀，有共工氏，謂太昊之沒，共工氏曰康回者，自謂水德，欲壅防百川，墮高堙卑，以害天下，皇天弗福，庶民弗助，女媧氏戮之，共工氏遂亡；是女媧氏亦有功於治水也。

駁堯水僅有九年之說

述禹治水成敗之分

唐堯六十有一載，洪水滔天，帝咨四岳，舉鯀俾乂，九載，績用弗成；七十有二載，使鯀之子禹平水土，八十載，禹告成功。周漢以來，諸史多稱堯有九年之水，今考其時，自洪水方割，即舉鯀俾乂，九載無成，而後舉舜；又二三年，始舉禹，禹八年於外，始告成功，前後計二十餘年矣；曰九年，蓋指鯀九載之間也。自方割以來，洪水之害，無歲無之，鯀多設隄防以障水，九年之間，非盡無功，但無成耳。傳稱禹能修鯀之功，可以見矣。要而言之，鯀之治水也障之，禹之治水也導之，其成敗之分，即在此也。

夏禹治水之  
次第及方法

禹治水之次第及方法，備載禹貢。是時水之患，河爲甚，濟次之，淮次之，江漢次之，故治水之急先於河。發跡壺口，治梁及岐，南至華陰，東至底柱，及孟津洛汭，至於大伾，禹以爲河所從來者高，水湍悍，乃灑二渠，以引其河，北過澤水，至於大陸，又北播爲九河，合爲逆河以入海。冀州既乂，於是準地之勢，自北而南，兗青徐爲東偏，雍高於豫，豫高於青徐，雍豫水逾鞏洛而入於河；揚下於荊，荊下於梁，梁荊之水，東自揚而入海；故東南次兗青，又南次徐，四州治而河患息；又南次於揚，又西次於荊，以放江淮，江淮乂而洪水定；於是由荊而北次於豫，由豫而西次於梁，由梁而北次於雍，以奠江河之上流。九川滌源，九澤既陂，蒸民乃粒，萬邦作乂；當是時也，禹功之所施，名川三百，支流三千，而弗自功。從今考之，其始於冀州，非徒以帝都爲先也，蓋水患皆因下流壅塞而然，必先施功於下流，以疏其壅塞之勢；然後施功

逆禹治水始  
於冀州之故

禹順水自然  
之性不與水  
爭故終夏四  
百餘年無水  
患  
周時河徙失  
禹故跡

於上流，以濬其發源之地，下流有所歸，則上流有所殺矣。夫天下惟河患最大，河始入於雍，而經於冀，則冀當河之下流，而竟又其下流入海之處，所以禹之功役，自冀而竟，則疏冀之下流也；自青而徐，則疏淮之下流也；自揚而荊，則疏江漢之下流也。河濟淮江漢五水之下流既通，水患之平，已十八九；然上流不濬，則猶未免有壅塞之虞，於是自荊而豫，以濬伊洛之源，自豫而梁，以濬江漢之源，自梁而雍，以濬河渭之源，此所謂決九川距海，而水之大者有所歸，濬畎澮距川，而水之小者有所泄，皆順其自然之性，不與水爭，終夏后氏一代，四百餘載無水患，皆禹之力也。殷時河屢圯決，至遷都以避之。及周定王時，梁山壅而河南徙，失禹故道，又折而東北，自是竟豫有水患。蓋在周定王五年河徙，自宿胥口東行潞川，其大河故道，則至長壽津與漯並行，而東北入海，其經流自宿胥口徙流，至成平合漳水，復歸禹河舊跡，至章武入海。

東周諸侯以  
鄰爲宰

（今河北省靜海天津）當時之諸侯，各作隄防以自利，甚或以鄰爲壑，而河愈橫溢，爲害無窮，白圭治水，孟子譏之，其一端也。

溝洫始於黃  
帝

周禮溝洫制  
之大略

上古汗尊抔飲，自無溝洫，神農雖教民稼穡，而溝洫之制亦未興。黃帝經土設井，以塞爭端，立步制畝，以防不足，使八家爲井，井開四道，而分八宅，灌溉之事於以起。帝堯時，有老人擊壤而歌曰：鑿井而飲，耕田而食，是灌溉之事，並未因洪水而廢也。禹之治水，不但疏決河患，鑿阻濬川而已；凡天下平土，皆制其井畝，疏爲溝洫，以達於川，故孔子稱之曰：盡力乎溝洫。至周公作周禮，灌溉之術大備。地官遂人，凡治野，夫間有遂，廣深各二尺；十夫有溝，廣深倍於遂；百夫有洫，廣深倍於溝；千夫有澮，廣二尋，深二仞；萬夫有川，用以受諸水。考工記，匠人，爲溝洫，耜廣五寸；二耜爲耦，一耦之伐，廣尺，深尺，謂之畝；田首倍之，廣二尺，深二尺，謂之遂；九夫爲井

，井間，廣四尺，深四尺，謂之溝；方十里爲成；成間，廣八尺，深八尺，謂之澗；方百里爲同。同間，廣二尋，深二仞，謂之澮，專達於川；此皆因於古也。又地官：稻人，掌稼下地，以瀦蓄水，以防止水，備乾旱也，以溝蕩水，以遂均水，欲流通也，以列舍水，以澮瀦水，防泛溢也，天時之乾溢不常，而地利之蓄洩有節，此農夫之所以無恐，歲事之所以屢豐也。

史記河渠書曰：禹抑洪水，（中略）九川既疏，九澤既灑，諸夏乂安，功施於三代。自是之後，滎陽下引河東南爲鴻溝，以通宋鄭陳蔡曹衛，與濟汝淮泗會於楚；西方則通渠漢水雲夢之野；東方則通鴻溝江淮之間；於吳則通渠三江五湖；於齊則通菑濟之間；於蜀則鑿離離辟沫水之害，穿二江成都之中。此渠皆可以行舟，有餘則用溉浸，百姓享其利。至於所過，往往引其水益用，溉田疇之渠，以萬億計。是則溝澮之制，雖非復用周官之舊，而才智勤幹之士，經營

一方，水利之說，於以興焉。

東周之時，講水利者，於齊曰管仲，於楚曰孫叔敖，於魏曰史起，於秦曰鄭國，曰李冰，述如下：

管仲講水利

管仲對齊桓公，請除五害：五害者，經水枝水谷水川水淵水，常有危殆也；於是置水官。且曰：聖人之處國也，必於不傾之地，而擇地之肥饒者，鄉山左右經水，若澤內爲落渠之瀉，因大川而注焉，乃以其天材，地之所生，利養其人，以育六畜。又曰：令甲士作隄，大水之旁，地有不生草者，必爲之甕，大者爲之隄，小者爲之防，夾水四道，禾稼不傷，歲埤增之，樹以荊棘，以固其地，雜之以柏楊，以備決水，民得饒，是謂流膏。子產相鄭，使田有封漁，亦注重水利也。

子產講水利

孫叔敖講水利

楚孫叔敖輔莊王，決期思之水，灌雩婁之野，見淮南子。



史起講水利  
鄭水利非始  
於西門豹之  
証明

史起於魏襄王時，爲鄴令，繼西門豹後。起曰：魏氏之行田也以百畝，鄴獨一百畝，是田惡也。漳水在其旁，西門豹不知用，是不知也。於是引漳水溉鄴，以富魏之河內，民歌之，見漢書溝洫志。而史記河渠書，謂爲西門豹事。褚先生續滑稽傳，言西門豹鑿十二渠，引河水灌田。水經注兩載豹起引漳事。載記甚詳，而通考各書，皆採漢志，故從之。

鄭國開渠利  
秦

鄭國者：韓之水工也。韓欲疲秦人，使毋東伐，乃使鄭國閒說秦，令開涇水，自中山西抵瓠口爲渠，並北山東注洛，三百餘里，欲以溉田。中作而覺，秦欲殺國。國曰：始臣爲閒，然渠成亦秦之利也，乃使卒成渠。渠成用溉，注填閼之水，溉烏鹵之地，四萬餘頃，收皆畝一鍾。於是關中爲沃野，無凶年，秦以富強，名曰鄭國渠。

李冰講灌溉  
於秦

李冰於秦平天下之後，爲蜀守。壅江水作壩，穿二江成都中，雙過郡下，

以通舟船，因以灌溉諸郡。於是蜀沃野千里，號爲陸海。

## 兩漢之水利

兩漢治河之  
莊略

河自周定王五年，徙砥礪，始失故道。漢文帝十二年冬十二月，河決酸棗，東隕金隄，興卒塞之。武帝建元三年冬，河水溢於平原。元光三年春，河徙頓丘；夏，決濮陽。六年春，穿渭渠。元封二年春，帝如東萊，夏還，臨塞決河，築宣房宮，導河北行河東龍首二渠。太始二年秋，穿白渠。元帝永光五年冬，河決清河靈鳴犢口。屯氏河絕。成帝建始四年秋，河決東郡金隄。河平元年春，以王延世爲河隄使者，塞河決。三年秋，河復決平原，命延世塞之。鴻嘉四年秋，渤海清河信都河水溢。綏和二年秋，求能浚川疏河者。平帝元始四年，徵能治河者百數。新莽建國三年，河決魏郡。東漢時，明帝永平十二年夏四月，修汴渠隄。十三年夏四月渠成，河汴分流，復其舊迹。章帝建初三年夏四

西漢水患以  
武成兩朝爲  
最

明張溥謂漢  
代治河賈讓  
爲上王延世  
爲下  
兩漢水官職  
名

月，罷治漳沱石白河。自是迄於獻帝，河事鮮書矣。歷觀兩漢河患，西漢爲劇，而尤以武成兩朝爲甚。當時治河者，言人人殊，其法不過曰疏，曰浚，曰塞而已。通綱目言治河人之姓名者，惟王延世；而治河之見諸言論者，首推賈讓。明張溥以賈讓爲上，王延世爲下，以讓之策高而難行，延世之策速而易就也。至於漢之水官，最爲完備；總山海陂澤之事有少府，其屬有池監，有都水丞，掌林苑之事者有水衡，有水司空，又有都水三府，以行京師之職，有太常，以領巴陵之渠，郡國則九江有陂湖官，南海有淮浦官，南郡江夏有雲夢官。而引渠溉田者，若交翁，若鄭當時，若番係，若倪寬，若嚴熊熊，若召信臣，若王景，亦大有人在焉。試將其崖略，分述於左：

漢武帝元光中，河決於瓠子，東南注鉅野，通於淮泗，帝使汲黯鄭當時，興人徒塞之，輒復壞。是時武安侯田蚡爲丞相，其奉邑食餼，卹居河北，河決

漢武帝集鄒子決

而南，則鄒無水蓄，邑收多。蚡言於帝曰：江河之決皆天事，未易以人力爲彊塞，塞之未必應天；而望氣用數者，亦以爲然；於是天子久之不事復塞。後二十餘歲，歲因以不登，梁楚之地尤甚。帝乃使汲仁郭昌，發卒數萬人，塞瓠子決，自臨決河，沈白馬玉璧於河，令羣臣從官，自將軍以下，皆負薪實決河。

復禹舊跡梁楚無水災齊人延年請開大河

是時東郡燒草，以故薪柴少，而下淇園之竹以爲楫，卒塞瓠子，築宮其上，名曰宣房宮，道河北行二渠，復禹舊迹，而梁楚之地復寧無水災。元鼎間，齊人延年上書，言河出昆侖，經中國，注渤海，其地勢西北高而東南下，可案圖書觀地形，令水土準高下，開大河，東注之海，如此則關東長無水災，書上。帝壯之，惟因河乃大禹之所道，恐難更改。後河復北決於館陶，分爲屯氏河，東北經魏郡清河信都渤海入海，廣深與大河等，故因其自然，不隄防也。後館陶

兗州以南無水災

東北四五郡，雖時小被水害，而兗州以南六郡無水災。

獨遂斷浚屯  
氏河以便南  
川分流不果  
行

宣帝地節中，光祿大夫郭昌，奉使行河曲，相水流之勢，適更穿渠直東，經東郡界中，不令北曲渠通利，百姓安之。元帝永光五年，河決靈鳴犢口，而屯氏河絕。成帝初，清河都尉馮遂，奏言：「郡承河下流，土壤輕脆易傷，頃所以無大害者，以屯氏河通，兩川分流也；今屯氏河塞，靈鳴犢口，又益不利，獨一川受數河之任，雖增高隄防，終不能泄，如有霖雨旬日不霽，必盈溢；九河故迹，今既滅難明，屯氏河新絕未久，其處易浚，又其口所居高，於以分殺水力；道里便宜，可復浚，以助大河泄暴水，備非常；不豫修治，北決病四五郡，南決病十餘郡，然後憂之，晚矣。議者以爲用度不足，可勿浚。後三年，河果決於館陶及東郡金隄，凡灌四郡三十二縣，水居地十五萬餘頃，深者三丈，壞敗官亭室廬，且四萬所。發河南以東船五百艘，徙民避水，居邱陵，九萬七千餘口。」

王延世築堤之法

河平元年春，杜欽薦犍爲王延世於王鳳，使塞決河。鳳以延世爲河隄使者，延世以竹落長四丈，大九圍，盛以小石，兩船夾載而下之，三十六日，河隄成。三月，詔以延世爲光祿大夫，秩中二千石，賜爵關內侯，黃金百斤。二年秋八月，河復決平原，流入濟南千乘，所壞敗者，半建始時，復遣王延世與楊焉許商等同作治，六月乃成，復賜延年黃金百斤。鴻嘉四年秋，渤海清河信都，河水溢溢，灌縣邑三十一，敗官亭民舍四萬餘所，平陵李尋等奏言：議者常欲求索九河故迹，而穿之，今因其自決，可且勿塞，以觀水勢。河欲居之，當稍自成川，跳出沙土，然後順天心而圖之，必有成功，而用財力寡，於是遂止不塞。

從李尋言不塞決口

不當引經義治水不致堤防塞

哀帝初，平當奉使領河隄，奏言：九河今皆寘滅，按經義治水，有決河浚川而無隄防壅塞之文。河從魏郡以東，北多溢決，水迹難以分明，四海之衆不

可誣，宜博求能浚川疏河者；上從之。待詔賈讓奏言：治河有上中下策；古者立國居民，疆理土地，必遺川澤之分，度水勢所不及，大川無防，小水得入陂障卑下，以爲汙澤，使秋水多得其所休息，左右游波，寬緩而不迫。隄防之作，近起戰國，塞防百川，各以自利。齊與趙魏，以河爲境，趙魏瀕山，齊地卑下，作隄去河二十五里，河水東抵齊隄，則西泛趙魏，趙魏亦爲隄，去河二十五里，雖非其正，水尙有所游蕩，時至而去，則填淤肥美，民耕田之，或久無害，稍築宮宅，遂成聚落，大水時至漂沒，則更起隄防以自救，稍去其城郭，排水澤而去之，湛溺其宜也。今隄防隴者去水數百步，遠者數里，於故大堤之內，復有數重，民居其間，此皆前世所排也。河從河內黎陽至魏郡昭陽，東西互有石堤，激水使還，百餘里間，河再西三東，迫阨如此，不得安息，今行上策，徙冀州之民當水衝者，決黎陽遮害亭，放河使北入海，河西薄大山，東薄

以不與水爭  
地爲上策

以分殺水怒  
爲中策

以繕故堤爲  
下策

金堤，勢不能遠有泛溢，期月自定。難者將曰：若如此，敗壞城郭田廬塚墓以萬數，百姓怨恨，昔大禹治水，山陵當路者毀之，故鑿龍門，辟伊闕，析砥柱，破碣石，墮斷天地之性；此乃人功所造，何足言也。今瀕河十郡治堤，歲費且萬萬，及其大決，所殘無數；如出數年治河之費，以業所徙之民，遵古聖之德，定山川之位，使神人各處其所，而不相奸；則河定民安，千載無患，故謂之上策。若乃多穿漕渠於冀州地，使民得以溉田，分殺水怒，雖非聖人法然，亦救敗術也。可從淇口以東，爲石堤，多張水門，恐議者疑河大川難禁制，榮陽漕渠足以卜之；冀州渠首，盡當仰此水門，諸渠皆往往股引取之，旱則開東方下水門，溉冀州，水則開西方高門，分河流，民田適治，河堤亦成；此誠富國安民，興利除弊，支數百歲，故謂之中策。若乃繕完故堤，增卑培薄，勞費無已，數逢其害，此最下策也。自有賈讓之三策，至今將二千年，人多稱之，



清靳輔謂賈  
法之策可言  
不可行

明邱濬至稱之爲古今治河，無出此策，獨清新輔，謂讓之策可言而不可行，但曰民可徙，四百萬之國儲，將安適乎？即欲徙民，吾不知將徙此數千百萬之民於何地也；且河流不常，使河東流入冀，吾徙冀州之民以避之，饒河更東而冲堯，南而徐而豫，吾亦將盡徙堯之民徐豫之民而避之乎？詳見經世文編。

王莽時，徵能治河者以百數，大都祖賈讓徙贛地，放渤海之遺策。迄於東漢建武十年，光武欲修之，浚儀令樂俊上言：民新被兵革，未宜興役；乃止。

王景多開水  
門復河汴分  
流舊跡

其後汴堤東侵，日月彌廣，堯豫百姓怨歎，以爲縣官恒興他役，不先民急。會有薦樂浪王景能治水者，夏四月，詔發卒數十萬，遣景修汴渠隄，自滎陽東至千乘海口千餘里，十里立一水門，令更相洞注，無復遺漏之患。景雖節省役費，然猶以百億計。十三年夏四月，汴渠成，河汴分流，復其舊迹，蓋自東漢訖唐，不至橫決如前時矣。

漢之講水田者，首推羹頡侯劉信。

以上所言，兩漢之河防，至於漢之講水田者，首推羹頡侯劉信。公非劉氏七門廟記曰：予爲廬州從事，始以事至舒城，觀所謂七門，三堰者，問於居人，其田溉幾何？對曰：凡二萬頃。考於圖書，則漢羹頡侯信之始基，而魏揚州刺史劉馥，實修其廢。昔先王之典，有功及民則祀之；若信者，可謂有功矣。然吾恨史策之有遺，而憐舒人之不忘其恩也。其後則有文翁鄭當時諸人出。

文翁講水利於蜀。

文翁於文帝時，爲蜀郡太守，煎澗口溉灌繁田四千七百頃，人獲其饒。

鄭當時引渭溉田。

鄭當時：於武帝元光中，爲大司農，言引渭地渠，起長安並南山下，至河三百餘里，渠下民田萬餘頃可溉。天子以爲然，令齊水工徐伯巡行表記之，悉發卒數萬人，穿漕渠，三歲而通。

番係引汾溉田，因河徒渠田廢。

番係：爲河東守，請穿渠引汾，溉皮氏汾陰下，引河溉汾陰蒲坂下，度可得五千頃，故盡河壩棄地，民菱牧其中耳；今溉田之度，可得穀二百萬石以上。

天子以爲然，發卒數萬人作渠田，數歲河移徙，渠不利，田者不能常種，久之河東渠田廢，時越人有徙者，以田與之，其租稅入於少府。

嚴熊熊穿渠  
鑿井

嚴熊熊：（本姓莊，避漢諱改）言臨晉民願穿洛，以溉重泉以東萬餘頃。

重泉故惡地，誠得水，可令畝十石。於是爲發卒萬人穿渠，自徵引洛水至商顏下，岸善崩，乃鑿井，深者四十餘丈。始穿渠，得龍骨，故名曰龍首渠。作之十餘歲，渠頗通，自河決瓠子後二十餘歲，歲數不登，而梁楚尤甚。是時用事者爭言水利，朔方西河河西酒泉，皆引河及川谷以溉田，而關東輔渠靈輒引堵水，汝南九江引淮，東海引鉅定，（澤名）泰山下引汶水，皆穿渠，爲溉田，各萬餘頃，他小渠披山通道者，不可勝言，然其著者在宣房。

溉田之著者  
在宣房

兒寬請穿六  
輔渠

兒寬：於元鼎六年時，爲左內史，奏請穿鑿六輔渠，以益溉鄭國傍高仰之田。

白公開白渠

白公：（白姓，公尊老之稱）爲趙中大夫。奏穿渠引涇水，首起谷口，尾入櫟陽，注渭中，袤二百里，溉田四千五百餘頃，因名之曰白渠，民歌之，有鄭國在前，白渠起後之語。

召信臣杜詩  
興南陽水利

召信臣：當元帝時，爲南陽太守。於穰縣南造鉗盧陂，累石爲堤，傍開六石門，以節水勢，澤中有鉗盧王池，因以爲名，用廣溉灌，歲歲增多，至二萬頃。及東漢時，杜詩爲太守後，收其業。時歌之曰：前有召父，後有杜母。

息夫躬請穿  
渠省轉輸議  
不可成

息夫躬：請在京師興溉灌，天子使躬持節領護三輔都水。躬上表，欲穿長安城引渭注太倉下，以省轉輸。議不可成，乃止。

翟方進奏罷  
汝南陂郡  
人怨之  
許楊修復堤  
功百姓得便

翟方進：當成帝時，因汝南舊有之鴻隙陂，水溢爲害，方進奏罷之。及翟氏滅，鄉曲歸惡方進，言方進請陂下良田不得而奏罷。王莽時，常枯旱，郡中追怨方進。東漢光武建武中，太守鄧晨，欲修復其功，聞許楊曉水脈，因署楊

爲都水掾，使典其事。楊因高下形勢，起塘四百餘里，百姓得其便，累歲大稔。

王景修復各渠

王景：當章帝建初中，爲廬江太守。安豐縣有楚孫叔敖所起芍陂，荒廢，重修之。景又與王吳共修浚儀渠，復修汴渠，築隄自滎陽東至千乘海口，十里立一石門，令相洄注，無復潰漏。

桑弘羊等之興水利

此外如桑弘羊復輪臺之渠；趙充國屯鮮卑，築橋七十餘所；馬援奏開導水田以勸耕牧；馬援遷廣陵太守，興復陂湖，溉田二萬頃，民刻石頌之；馬臻於順帝時，爲會稽太守，始立鏡湖築塘，灌田九千頃；此均關於水利者也。

### 魏晉南北朝隋唐五季之水利

魏晉迄五季之河防

魏黃初大水之後，河流汎溢，鄧艾著濟河論，開石門而通之，至晉復浸壞。傅祗爲滎陽太守，乃造沉菜堰，堯豫遂無水患，百姓爲立碑頌焉。唐玄宗開

隋煬帝開運河

元十八年，東都洛汭漲，令范安及韓朝宗，就潯洛水源疏決，置門以節水勢。懿宗時，蕭倣爲滑州刺史，滑陁黃河，頻年水潦，河流泛溢，壞西北隄，倣奏移河四里，兩月畢功，畫圖以進，帝嘉之。此時代河防之重要者，如此而已。隋煬帝之開河渠，雖爲巡幸，實於水利大有關係。大業元年，發丁百萬，開通濟渠。自西苑引穀洛水，達於河。復自今河南汜水縣東北之板渚，引河入汴，引汴入泗，以達於淮。又發民十萬，開刊溝入江，溝廣四十步。案江淮溝通，始於春秋吳王夫差，後久蕪塞，至是復開之，即今之運河也。四年，又開永濟渠。永濟渠者，今之衛河也。引沁水南達於河，北通涿郡，丁男不供，至役婦人。六年，又穿江南河，自京口至餘杭，長八百餘里，廣十餘丈，亦即今之運河也。斯種工作，在當時固屬擾民，而於中國之交通，及調劑河流，利益實非淺鮮。故西洋對斯工程，交口稱述之。至講求水田，則代有其人焉。

劉馥溉合肥  
稻田

劉馥：於魏武帝時，鎮合肥，修芍陂茹陂七門吳塘諸埭，以溉稻田，歷代爲利。

賈逵開賈侯  
渠

賈逵：爲豫州，竭汶水，造新陂，又通渠三百餘里，謂之曰賈侯渠。

鄭渾修鄭陂

鄭渾：於黃初中，爲沛郡太守，郡居下流，渾於蕭相二縣，興陂埭，開稻田，郡人皆以爲不便。渾以爲經久之慮，帥百姓興功，一冬而成，租入倍常，郡賴其利，刻石頌之，號曰鄭陂。

鄧艾溉潁南  
北田

鄧艾：因司馬宣王欲併吳，乃修廣淮陽百尺二渠，大治諸渠於潁南潁北，溉田二萬頃。

夏侯和修渠  
溉田

夏侯和：於晉初太始中，修新渠富壽遊陂三渠，凡溉田千五百頃。

杜預因潁水  
利號曰杜父

杜預：當咸寧元年，以水災東南爲劇，凡漢氏魏氏舊陂，請皆修補，從之。平吳之後，預在荊州，修召信臣遺跡，以浸原田萬頃，衆庶賴之，號曰杜父。

。又開楊口，起夏水，達江陵，千餘里，內瀉長江之險，外通零桂之漕，南人歌之。

張闢溉田救旱

張闢：爲晉陵內史。時所部四縣，並以旱失田。闢乃立典阿新鹽塘，溉田八百餘頃，每歲豐稔。

孔愉修故堰溉田

孔愉：爲會稽內史，於內章縣修復故堰，溉田二百餘頃。

秦苻堅田

秦苻堅：以關中水旱，議依鄭白故事，發王侯僮隸等三萬人，開涇水上源，鑿山通渠，以溉烏鹵之田。

劉義欣開舊澤引水

宋劉義欣：於文帝時，爲荊河刺史，治壽陽芍陂良田萬頃，隄堰久壞，秋夏常苦旱，乃因舊溝，引溷水入陂，伐木，開濬，得通涇水，由是豐稔。

刁雍奏請引水溉田

魏刁雍：爲薄骨律鎮將。上表曰：富平有艾山，鑿以通河，兩岸作溉田大渠，山南引水入此渠中，溉官私田四萬頃，水凡四溉，穀得成實，從之，公私



## 獲其利。

裴延僂修舊  
渠溉田

裴延僂：爲幽州刺史，范陽有舊沉渠，徑五十里；漁陽燕郡，有故戾諸堰，廣袤三十里；皆廢毀多時。延僂自度水形營造，未幾而就，溉田萬餘頃，其利十倍。

劉秀之薛冑  
等之興水利

此外如南史所載：劉秀之奉孝武帝命，修復已決壞之襄陽六門堰，雍門於是大豐；張邵至襄陽，築長圍，修立隄堰，創田千頃；北史所載：薛冑爲兖州刺史，沂泗二水汎濫，積石堰之，陂澤盡爲良田，民號曰薛公豐堯渠；崔亮讀杜預傳，嘉其八磨，後奏於張方橋東堰穀水，造磴磨數十區，其利十倍；趙軌因芍陂五門堰，蕪穢不通，勸人更開三十六，灌田五千餘頃；又齊乾明中，蘇珍芝修石龍陂；皇建中，稽華建議開幽州督亢舊陂；周武帝時，於瀟州開河渠；同州開龍首渠；皆南北朝談水利之人。

盧賁元暉之  
興水利

隋盧賁：遷懷州刺史，決沁水東注，名曰利民渠。又派入溫縣，曰溫潤渠。又元暉：請決杜陽水，灌三時原，溉畝鹵之地。

雲得臣開渠  
溉田

唐雲得臣：於武德中，爲同州治中，開渠，自龍首引黃河，溉田六千餘頃。

李襲引雷陂  
水築白城塘

李襲：當貞觀十一年時，爲揚州大都督府長史，因江都俗好商賈，不事農業，乃引雷陂水，又築白城塘，溉田八百餘頃，百姓獲其利。

長孫祥奏請  
毀鄭白渠上  
碾磴

長孫祥：爲雍州長史。於永徽六年，奏言往日鄭白渠，溉田四萬餘頃，今爲富商大賈，競造碾磴堰遏漕水，請皆毀之。太尉長孫無忌曰：白渠水帶泥淤，灌田益其肥美，又渠水發源本高，向下支分極衆；若使流至同州，則水饒足；比爲碾磴用具，洩渠水隨入滑，加以壅遏耗竭，所以得利遂少。於是遣祥等分檢渠上碾磴，皆毀之。至大曆中，水田纔得六千二百餘頃。

李元紘奏禁  
緣渠立磴

李元紘：爲京兆少尹。開元九年，奏言三輔諸渠。王公之家，緣渠立磴，以害水田，一切毀之，百姓蒙利。

從李栖筠等  
奏毀碾磴禁  
分水

李栖筠 黎幹等：於代宗時，奏毀碾磴，禁分水，昇平公主請勿毀；帝曰：吾欲利民也。竟毀之。

楊炎開陵陽  
渠

楊炎：爲宰相。於建中三年，請於豐州置屯田，發關輔人開陵陽渠。

嗣曹王皋修  
隄鑿井

嗣曹王皋：於貞元八年，爲荊南節度使。先是江陵城北七十里，有廢田旁漢古隄，壞決凡二處，每夏則爲浸溢。皋始命塞之，廣良田五千頃，畝收一鍾，楚俗僦薄，舊不鑿井，悉飲陂澤。皋乃令合錢鑿井，人以爲便。

孟簡溉常州  
田

孟簡：爲常州刺史。元和八年，開漕古孟漬，長四十里，得沃壤四千餘頃。

于頔溉湖州  
田

于頔：爲湖州刺史。元和十三年，復長城縣方山之西湖，溉田三千頃。

章吳說洪州田

章泉爲洪州觀察使，洪州據章江，上控百越，爲一都會。水漲輒灌溺城市，泉乃派湖入江，節置斗門以走暴漲，開廣渠南北七里，因鑿六百陂塘，溉田一萬頃。

溫造開內史渠浚古渠

溫造爲郎州刺史，長慶二年，奏開復鄉渠九十七里，溉田二千頃，郡人利之，名爲右史渠。至太和五年，造復爲河陽節度使，奏浚懷州古渠枋口堰，役功四萬，溉濟源河內溫武陟田五千頃。

姜師度之興作

姜師度：開元中，兼度支營田使。好興作，始浚溝於薊門，並鑿渠以通餉路，罷海運，省功多，遷司農卿。雖所至徭役紛紜，不能皆便，然所就必爲世利。

白居易治杭州湖田

白居易：爲杭州刺史，浚錢塘湖，周圍三十里，凡放水灌田，每減一寸，可溉十五頃；每一伏時，可溉五十餘頃；若隄防如法，蓄洩及時，則瀕湖千餘

頃田，無凶年矣。

韋夏卿  
州田

韋夏卿：爲朗州刺史。大曆五年，治棧陂，溉田千餘頃。

王昕  
斗門

王昕：於大曆十二年，因絳巖湖周五百里爲塘，立二斗門。

任侗  
州田

任侗：爲明州刺史。修鄞縣仲夏堰，溉田數千頃。

盧士程  
州田

盧士程：爲漢州刺史。貞元二年，於雒縣立隄堰，溉田四百頃。

李甘  
州田

李甘：爲福州長樂令。於舊海隄，築立十斗門以禦潮，旱則瀦水，雨則洩

水，皆成良田。

韋丹  
江

韋丹：於元和三年，築隄捍江，長十二里，竇以疏漲，凡爲陂塘五百九十

八所，灌田萬二千頃。

宇文融  
田

宇文融：畫策開河北王莽河，以營稻田。

薛文鼎  
隄河

薛文鼎：奏開滄州界內無棣河，以盡魚鹽之利於海，百姓歌之。

楊朝晟爲停泉

楊朝晟：軍衣方渠，無水，遽有青蛇高乘而下，視其迹，水隨而至，朝晟令築防禦之，遂爲停泉。

薛務浚玉梁渠

薛務：於開元中，增濬蔡州新息西北五十里之隋故玉梁渠，溉田三千餘頃

張怡引水入坊州城

張怡：爲坊州刺史。州故無水，東北七里有主善泉，怡架水入城，以紓遠汲，後崔駢復增修之。

竇公琰穿渠溉田

竇公琰：於故營邱城東北穿渠，引白浪水曲折三十里，號竇公渠

長孫恕鑿渠溉田

長孫恕：鑿河中府龍門舊有之十石鑪渠以灌田。

程處默引洩水溉田

程處默：以趙州南晉地方旱鹵，引洩水入城以灌田。

魚思賢開通利渠

魚思賢：於開元四年，開莫州任邱通利渠，以洩陂淀。自縣南五里至城西北入瀝水，得地二百餘頃

路晏開路公溪

路晏：因歙州祁門有闔門灘，善覆舟，開斗門以平其隘，號路公溪。咸通

三年，令陳甘節募民穴石，積石爲橫梁，由派渠入於路公溪，舟行乃安。

嗣薛王知柔修鄭白渠

嗣薛王知柔：因鄭白渠梗壅，民不得歲，修復舊道。

強循開強公渠

強循：因華原無泉，教人開渠水以浸田，一方利之，號強公渠。

高霞浚金河

高霞：拜振武節度使。浚金河，溉鹵地數千頃。

高瑀與陳蔡二州水利

高瑀：因陳蔡二州，比水旱無年，遂相地宜築隄，廣百八十里，以時蓄洩

錢鏐射潮建候潮門

吳越王錢鏐：築捍海塘，怒潮急湍，版築不就。鏐乃造竹箭三千隻，羽簇備具，於壘雪樓，命水犀軍，架強弩五百以射潮，潮頭東趨西陵，遂定其基，以鐵縆貫幢，用石鍵之，而塘成。建候潮等門，又置龍江浙江二閘，以遏江流

何幼冲疏涇水溉田

周何幼冲：於顯德三年，命以尙書司勳郎中，爲開中渠，偃使，於雍耀二州界，疏涇水以溉田。

## 宋之水利

宋漕運分四路故治河視漢唐爲尤急漢末治河偶合禹功

漢唐建都關中：漢漕仰山東，唐漕仰江淮，運途所經，止河渭一路，宋都汴梁，四衝八達之地，漕運分四路，曰汴河，曰黃河，曰惠民河，曰廣濟河，而汴爲最重。故宋初治河，視漢唐爲尤急。神禹治河，自大伾而北，釃爲二；大陸而北，播爲九；主於分勢順導。周定王時河徙而南；漢則大決瓠子；武帝君臣，負薪宣房，屢徙屢決，數世不定；東京迄唐，河水與穀涓伊汝，間溢爲敗，無大橫決者；以漢末治河，偶合於禹功也。宋初汴京仰食四方，寄命於江淮；漕亟而河患愈殷；汴京亡後，河遂委之於金矣。

宋治河之崖略因舊河不

宋太祖乾德二年，遣使案行黃河，治古隄，議者以舊河不可卒復，力役且



可復詔民治  
還隄以禦衝  
決

治河以正月  
首事季春而  
畢

藝桑棗樹榆  
柳爲河防

置河防官以  
佐使者

發緣河諸州  
丁夫塞決口

大，遂止。詔民治遙隄，以禦衝決之患。三年秋，大霖雨，河決陽武，梁濱鄆亦決。詔發州兵治之。四年八月，滑州河決，壞靈河縣大隄，詔殿前都指揮使韓重贊等，督士卒丁夫數萬人治之。五年春正月，帝以河隄屢決，分遣使行視，發畿甸丁夫繕治，自是歲以爲常，以正月首事，季春而畢。是月，詔開封大名府、遼寧、滑孟、濮齊、滄棣、賓德、博懷、衛鄭等州長史，並兼本州河隄使。開寶中，詔緣黃河汴河、清河、御河州縣，準舊制，藝桑棗外，別課民樹榆柳，爲河防。已又詔開封等十有七府，府各置河防官一員，佐使者行治河。嗣河決濮陽，又決陽武，發諸州兵及丁夫凡五萬人，遣曹翰護其役。翰至河上，親督工徒，未幾決河皆塞。

太宗太平興國二年秋七月，河決孟州之溫縣，鄭州之滎澤，濱州之臨邱，皆發緣河諸州丁夫塞之。三年春正月，命使十七人，分治黃河隄，以備水患。

使者奏治遙隄不如分水勢

八年五月，河大決滑州韓村，泛濫濮曹濟諸州，東南流至彭城界，入於淮。詔發夫丁塞之，隄久不成，乃命使者按視遙隄舊址。使回條奏，以爲治遙隄不如分水勢，宜於南北各開其一，北入王莽河以通於海，南入靈河以通於淮，其分水河，量其遠近，作爲斗門，啓閉隨時，不報。時多陰雨，河久未塞，帝遣樞密直學士張齊賢，乘傳詣白馬津，用太牢沈璧以祭。十二月，決河塞。九年，滑州復言房村河決。帝不欲民之重困，發諸軍五萬人代之，以待衛步軍指揮使田重進領其役。淳化四年冬十月，河決濱州，詔發卒代民治之。巡河供奉官梁容上言：滑州土脈疏，岸善隤，每歲河決南岸，害民田，請於迎陽鑿渠引水，凡四十里，至黎陽。合大河，以防暴漲，帝許之。五年春正月，滑州言新渠成。帝又按圖命昭宣使羅州刺史杜彥鈞，率兵夫，計功十七萬，鑿井開渠，自韓村埽至州南鐵狗廟，凡五十餘里，復合於河，以分水勢。

開滑州新渠

李垂上導河  
形勢書三篇  
並圖

李垂言疏河  
利害

真宗大中祥符年間，棣州河決。聶家口及李民灣，環城數十里，民舍多壞。乃徙城於商河，役無踰年。著作佐郎李垂，上導河形勢書三篇，並圖。其略曰：兩漢而下，言水利者，屢欲求九河故道而疏之。今考圖志，九河並在平原而北，且河壞漣滑，未至平原，而已決矣，則九河奚利哉。漢武捨大伾之故道，發頓邱之暴衝，則溢竟泛齊，流患中土，使河朔平田，膏腴千里，縱容邊寇，劫掠其間。今大河盡東，全燕陷北，禦邊之計，莫大於河。不然則趙魏百城，富庶億萬，所謂誨盜而招寇矣。不如因人足財豐之時，成之爲易。廷臣議其煩費，遂寢。天禧三年，六月，滑州河溢城西北天臺山旁，俄復潰於城西南岸。遣使賦諸州薪石榷檟芟竹之數，千六百萬，發兵夫九萬人治之。四年三月，河塞。羣臣入賀，上親爲文刻石紀功。李垂時官祠部員外郎，又言疏河利害，議不復行。五年春正月，知滑州陳堯佐，以西北水壞城無外禦，築大隄，又疊埽

陳堯佐築大隄，遺木龍開枝河以分水勢。

李仲昌、歐陽修請開六塔渠。

於城北，護州中居民，復就鑿橫木下垂木數條，置水旁以護岸，謂之木龍，當時賴焉。復並舊河開枝流，以分導水勢。有詔嘉獎。

仁宗時：河決大名館陶，殿中丞李仲昌：請自澶州商胡河，穿六塔渠，入橫壠故道，以殺其勢。學士歐陽修上議：謂開六塔必有害無利，宜因水所在，增治隄防，疏其下流，浚以入海。章再上，不省。以商胡塞而河力壯，六塔不能容，是歲大決，自是議者不敢復論回河事矣。

宋昌請疏六塔舊口並二股河。

神宗初年，河溢恩州。都水監宋昌上言：願疏六塔舊口，並二股河，導使東。詔翰林學士司馬光等，乘傳往相度，光等還，對請如昌言。已二股河通行，而北流稍自閉。水官張瑩等，請塞北流。詔光復往視，光入辭，言欲閉北流，既恐勞費，幸而可塞，東流淺狹，隄防未全，必且致決溢，是移恩冀淪胥之患於滄德等州也。時王安石以光議屢不合，意罷不遣，獨遣內侍張茂則行。遂

司馬光王安  
石議屢不合

李公義獻鐵  
龍爪泥法

任兩伯諫寬  
立防隄

孟昌齡獻導  
河議

閉北流，河乃自其南四十里，東溢漕村衛州，帝憂之。數遣使經度，而主者言二股河地下，而舊防可因，今漂者僅三十里，可塞也。卒塞之。而河溢大名。李公義獻鐵龍爪揚泥法以潞河，而用輒不效。范子淵阿安石意，言河必可治。乃命子淵司其事，公義爲之屬。是秋河溢。又明年，河大決澶州。七年，河溢元城。

建中靖國元年，左正言任兩伯，奏言：爲今治水之策，正宜因其所向，寬立防隄，約攔水勢，使不至大段漫流。若恐北流淤壅塘泊，亦祇宜因塘泊之岸，增設防隄，乃爲長策。近獻東流之計者，非利民之舉，實自困之道也。政和四年，都水使孟昌齡：獻導河議。以爲若引水穿大伾東北二山，分兩股而過，合於下流；因三山爲址，繫浮梁；歲省費可數十百倍，可寬河朔諸路之憂。詔置提舉司董其事，而巨漈成。然方河之開也，水流雖通，而湍激猛暴，山稍隘。

，往往泛溢，近皆民夫，多被漂溺，其後遂注成巨澤。至於大河浮橋，歲一造舟，京西之民，尤憚其役。至靖康雖罷役，而國已南矣。

宋關於水利各官

至於宋世水利：歷朝留心惠養，三司則有都水監；諸路則有提舉；州有倅貳；邑有承佐；而郡守邑令，皆得以行其浚導儲蓄之利；其在緣邊，有塘灤聚水，因以限敵；河北屯田司，緣邊安撫司，皆掌之；而以河北轉運使兼都大制置。凡水之深淺，屯田司季申工部。其河水諸水，有通轉餉者；有爲方田限遠人者。熙寧中，各路置農田水利官；沿汴設淤田司。南渡以後，東南水利尤盛，而其後有圩田圍田沙田之制，述如下：

宋之河有通轉餉者有限遠者

陳恕等奉命營田

陳恕：於太祖端拱二年，奉命以左諫議大夫，爲河北東路招置營田使；魏羽爲副使；右諫議大夫樊知古，爲河北西路招置營田使；索湘爲副使；欲大興營田也。先是雄州東際於海，多積水；議者以爲宜度地形高下，因水陸之便，

建阡陌，濬溝洫，所以實邊廩而限契丹。雍熙後，數用兵，河朔之民，農桑失業，多閒田，且戍兵增倍，故有是命。忽密奏戍卒皆遊惰，仰食縣官，一旦使冬被甲兵，春執耒耜，恐變生不測，乃詔止之。

何承矩黃懋  
興辦河北沿  
邊屯田

何承矩：知雄州。淳化四年，請於順安寨西，引易河築隄爲屯田。旣而河朔頻年霖澍，復請因積潦處，畜積爲陂塘，大作稻田以足食。同時滄州臨津令黃懋上書：請於河北諸州，作水利田。乃詔承矩爲制置河北沿邊田使，懋充判官，發諸州鎮兵萬八千人給其役，興堰六百里，置斗門，引淀水灌溉。初年種稻，值霜早，不成，次年乃熟，羣議阻之，幾罷役，後議者乃息。堯蒲蜃蛤之饒，民賴其利。

李易開修渠  
堰

陳堯佐興井

李易：於開寶八年，即度靈塘開修渠堰，溉水田三百餘頃，居民賴之。

陳堯佐：知河南府，徙并州，每汾水暴漲，民輒憂擾。堯佐爲築隄，植柳

州及滑州水利

數萬本，作柳溪。天禧中，河決，起堯佐知滑州，造水龍以殺水怒，又築長隄，人呼陳公隄。

閻承翰與胡方水利

閻承翰：於景德初，自嘉山東引唐河三十二里至定州，醴而爲渠，入界河，以達方舟之漕；又引保州趙彬堰徐河水入雞距泉，以息輓舟之役；自是朔方大蒙其利。

曹瑋溉渭北田

曹瑋：於祥符七年，言渭北有古池，今濬爲渠，令民導以灌田。

王貫之溉海州田

王貫之：於天禧四年，導海州石闔堰水入漣水，溉民田。

沈厚載教民種水田

沈厚載：於景祐初，教懷衛磁相邢洛鎮趙等州民，種水田。

宋神宗留心水利

宋神宗留心水利。詔諸路監司，比歲陂塘堙沒，浸壞沃壤，不得耕，宜訪可興者，勸民興之。又詔有能知土地所宜種植之法，及修陂湖河港；或創修陂塘溝洫；或水利可及泉，而爲人擅有；或田去河港不遠，爲地界所隔，可以均



民修水利許  
貸常平錢穀  
給用

命程顥等八  
人察農田水  
利

濟流通者；縣有廢田可興修，大川溝洫淺塞，合行濬導，及陂塘堰隄，可取水灌溉；其土田數經水害，或地勢汙下，要修隄防，或疏導溝洫，縣不能辦；州官具奏取旨。民修水利，許貸平常錢穀給用。曾於熙寧元年，遣使察農田水利，程顥等八人充使。王臨言；保州塘濬以西，可築隄植木，凡十九里，隄內可引水處，即種稻，水不及處，並爲方田。又因出土作溝，以限戎馬。從之。中書言：諸州縣古跡陂塘，異時皆蓄水溉田，民利數倍，近歲多所堙廢。詔諸路監司，訪尋州縣可興復水利，如能設法勸誘，興修塘堰圩隄，功利有實，當議旌寵。

劉摯幼內臣  
程昉等

王安石：急於興利，一意行之，故神宗時，人爭言水利。久之，帝始知雍邱等縣，淤田清水，頗害民田，乃蠲稅一科。又遣使訪其不實不當者，按驗以聞。熙寧四年，御史劉摯言：內臣程昉，大理寺丞李宜之，於河北開修漳河，

韓宗師勅程  
昉

程昉引河淤  
地土論不以  
爲然

詔創水碓碾  
確有妨灌溉  
者以違制論

功力浩大；朝廷既令權罷，則利害姑置之；朝廷又令總領淤田司事，臣謹按程昉等將命興事，初不以事之可否，實聞於朝；伏恐生事興患，未有窮已；乞明布昉等罪狀，重行貶竄。王安石爲昉辯甚力，遂寢不報。七年，提舉河北常平等事韓宗師，劾程昉導滹沱河水淤田，而隄壞水溢，廣害民稼，欺罔十六罪。詔昉分析。王安石復爲之辯明。蓋程昉於神宗時，奏引漳洛河淤地二千餘頃。帝曰：灌溉之利，農事大本；但陝西河東，民素不習此，苟享其利，後必樂趨，三白渠爲利尤大，可用力修治。昉復言得共城舊河槽，若疏導入三渡河，可灌西坑稻田，從之。昉又修滄州水利，於滄州增修西流河，引黃河水淤田種稻增灌塘泊，並深州開引滹沱水淤田，及開回胡盧河，並回滹沱河下尾。當時士論頗不以爲然。神宗提倡水利頗力。熙寧六年，詔創水碓碾確，有妨灌溉民田者，以違制論，不以赦原，其一端也。

史紹請興水利及開荒毋增稅

史紹：於神宗年間，奏言修古淳河一百六十里，民已獲利，慮州縣增稅。

詔三司興修水利，開墾荒梗，毋增稅。

侯叔獻引河水淤田民被其害

侯叔獻：於神宗時，爲屯田員外郎。奏言汴岸沃壤千里，而夾河公私廢田，略計二萬餘頃，多用牧馬，欲於兩河置斗門洩水，分爲支渠，及引京索河並三十六陂以灌溉田。詔叔獻行之。而祥符等處之民，大被水患，或以爲非。令馮宗道往視，宗道以說者爲妄，乃以叔獻等特提舉沿汴淤田。熙寧六年，賜叔獻等淤田各十頃。馬端臨謂叔獻等引河水淤田，決清水於畿縣濱州間，壞民田廬塚墓，歲被其患，他州縣淤田類如此，朝廷不知也。

鄭亶辦蘇州水利民多愁怨

鄭亶：於神宗時，言蘇州水利，語甚切直，然措置無方，民多愁怨，僅及一年而罷。

陳世修引淮灌田

陳世修：乞於唐州引淮水入東西邵渠，灌注九子等十五陂。

沈括興江浙水利

沈括：言浙西諸州水患，久不疏障，隄防川瀆皆湮廢之；乞下司農，貨官錢，募民興役，從之。熙寧七年，賜江寧府常平米五萬石，修水利。詔司農寺，具所興農田水利次第。八年，發京東常平米，募錢民，修水利。

沈括之興水利

沈括：乞復武功縣古跡六門堰，於石渠南二百步，傍爲土洞，以木爲門，回改河流。及披爲河北安撫使，請治保州東南沿邊陸地爲水田，從之。

葛德以平民興水利授官

葛德：西城縣居民也。出私財，修長樂堰，引水灌漑鄉戶土田，授本州司士參軍。又有上元縣主簿韓安厚：奏引水漑田二千餘頃，遷光祿寺丞。太原府草澤史守一，修晉祠水利，漑田六百餘頃。知河中府陸經，奏管下於官私田，約二千餘頃。所謂神宗時漑田三奏也。

神宗時漑田三奏

李孝寬開斗門漑田

李孝寬：言礮山水漲甚滿，乞開四斗門，引以淤田，權罷漕運再旬，從之。

任迪程師孟  
耿琬等之引  
水淤田

任迪：乞於刈麥畢時，全放漚沱湖盧雨河，又引永靜軍雙陸口河水，於漚南北岸田。程師孟與耿琬，引河水淤京東西沿汴田九千餘頃。

蘇軾在杭州  
潞河疏濬

蘇軾知杭州，潞葑山鹽橋二河，分受江湖及西湖水。初杭近海，患水泉鹹苦。唐李泌始導西湖作六井，民以足用。及白居易，復潞西湖，引水入運河，復引漚田千頃。湖水多蓄，自唐及錢氏，後廢而不興，葑積二十五萬餘丈，而水無幾。軾既潞二河，復以餘力全六井，民大賴利。

許光凝請開  
江潞浦

許光凝：於大觀初，奏稱向在姑蘇，知去水患，莫如開江潞浦。蓋太湖在諸郡間，必導之海，然後水有所歸。自太湖距海，有三江，有諸浦，能開一江，有一江之利，潞一浦，有一浦之利。於是詔吳擇仁相度以聞，而開江之議復興。

呂頤浩修復

呂頤浩：於高宗紹興七年，爲潭州守臣，募民修復龜塘田萬頃。龜塘者，

吳玘：五代馮氏，於潭州東築隄，瀦水者也。

吳玘修堰澮渠  
吳玘：於孝宗七年，修興元府山河堰，濬大小渠六十五，凡溉南鄭褒城田

二千五萬餘畝。

蕭振乞詔視民官興水利  
蕭振：爲侍御史，乞詔親民官，各分委土豪，共修陂塘水利。縣補任，批

書印歷，量加旌賞。

吳芾興紹興水利  
吳芾：於興隆元年，知紹興府。乞浚會稽山陰諸暨舊湖，以復水利；及築

蕭山縣海塘，以限鹹潮；從之。又開掘鑑湖。

王炎開掘勢家新園田  
王炎：爲漕臣。於乾道二年，奉詔相視開掘浙西勢家新園田。謂草蕩蒹蕩

菱蕩，及陂湖溪港岸際，築塍畦園，塞耕種者，所至令守倅縣令，同其措置。

鄭果修本里  
鄭果：言中廬縣有水果，擁瀉水東流入宜城縣，後漢王寵嘗鑿之，以引蠻

水，謂之木里溝，乞行修治。

程九萬修永興堰

袁說友請禁浙西開田

楊瑛引汴水種稻

鄭戡用錢塘湖溉田

薛顏既陝西田

魏瓘在廣州設開

苗時中開苗公河

程九萬：於慶元二年，募工修作鄧城永豐堰，爲灌溉之利。

袁說友：言浙西田有開田千百畝，陂塘溝洫，悉爲田疇，有水則無地可蓄，有旱則無水可斥，不嚴禁之，後將益甚。

楊瑛：言開封陳留咸平三縣種稻，乞於陳留界舊汴河下口，修築水塘，取汴河清水以灌溉，從之。

鄭戡：用錢塘湖，溉田數千頃。初錢氏置撩清軍，以疏淤填。納國後，不復治，爲豪族僧坊所占，水益狹。戡發縣丁闢之。事聞，詔歲治如戡法。

薛顏：以陝西河水浮橋，歲爲水敗，即北岸引上流爲支渠，因取水溉其旁田。

魏瓘：知廣州，鑿東西漕，爲水閘，以時啓閉。

苗時中：以陰主帝陵簿。邑有古河久湮，請開導以溉田，人謂之苗公河。

呂大防疏呂公渠

呂大防：調馮翊主簿長壽令，縣與井，大防行境，得一泉，用考工水地置泉之法以準之，果疏爲渠，民賴之，曰呂公渠。

趙崇獻疏江州田

趙崇獻：知江州。修陂塘以廣灌溉，凡數千所。

王信修王公湖

王信：因山陰境有狹獠湖，四環皆田，歲苦潦。遂啓斗門，導停潦，注之海，築十一壩，化隄浸爲上腴，民名曰王公湖。

孟珙修襄陽堰

孟珙：於紹定五年，創平堰於襄陽，自城西十八里，由入壘河紆漸水側，跨九阜，建通天槽八十有三丈。

趙尙寬興唐州水利

趙尙寬：知唐州，唐素沃壤，亂廢不耕。乃按視圖記，得趙信臣陂渠故迹，益發卒復疏三陂一渠，又教民自爲支渠，轉相灌溉，遂成膏腴。

張成已等言水利之大略

此外如張成已於袁州，言治陂塘灌溉。李詠言淮西宜修濬陂塘。蔣及祖知江陰軍，請濬治溝渠。周環言臨安平江湖秀四州下田，多爲太湖積水所浸，請



決白茆浦故道，趙子藹蔣璨，言太湖者數州之巨浸，獨洩以松江之一川，其勢有所不給，由三十六浦潮汐沙積故也。天聖間，漕臣張綸，嘗於常熟崑山各開衆浦。景佑間，范仲淹濬開五河。政和間，趙霖復常開濬，請開之，詔依所請。隆興三年，李結言蘇湖常秀水害，並上三議，曰敦本，曰協力，曰因時。淳熙十年，張仰言占湖爲田之害，既而漕臣錢冲之，請每開立石以誌之，共千四百八十九所，令諸郡遵守焉。此皆南渡後，言東南水利之大略也。

圩田水利之  
由來

圩田水利，起於江東水鄉，隄河兩涯，田其中，謂之圩。農家云：圩者，圍也，內以圍田，外以圍水，蓋河高而田在水下，沿隄斗門，每門疏港以溉田，故有豐年而無水患。紹興元年，詔宣州太平州守臣修圩，議修圩官賞罰。詔修圩錢米，及貸民種糧，並於宣州常平義倉米撥借。又詔建康新豐圩租米，歲以三萬石爲額，圩四至相去，皆五六十里，有田九百五十餘頃，近歲墾田不及

關於圩田之  
詔書

三分之一，至是始立額。二十三年，詔以永豐圩賜秦檜，檜死，圩復歸有司。

圩田始於政和以前引范仲淹言作證

乾道元年，詔令淮西總領所撥付建康中收到子粒，令項橐管，非詔旨，毋得擅用。圩田皆謂始政和年間，實則政和前已有之。范仲淹嘗言：江南圩田，浙西河塘，大半墮廢，失東南之大利；又京東西路卑濕積潦之地，往時開決，水患

江東轉運使論廢掘永豐圩瀦水

大減，今罷役，漸復湮塞，請一切修治之；其明證也。南宋時：江東轉運司，奏永豐圩橫截水勢，每遇泛漲，衝決民圩，爲害非細。雖營田千頃，自開修至今，可耕者止四百頃，而損害數倍。欲將永豐圩廢掘瀦水，其在側民圩不礙水道者，如舊。詔從之。其後漕臣韓元吉，言此圩初是百姓請佃，後以賜蔡京，又以賜韓世忠，又以賜秦檜，繼撥隸行宮，今隸總所。五十年間，皆權臣大將之家，又在御府。其管莊多武夫健卒，侵欺小民，甚者剽掠舟船，囊橐盜賊，鄉民病之，非圩田能病民也。於是開掘之命遂寢。及乾道九年，詔戶部侍郎葉

韓元吉謂非圩田能病民

某衡奏寧國等處圩田實爲永利

衡、竅實寧國府太平州圩岸。五月：衡言寧國府惠民化成舊圩四十餘里，新增築九里餘；太平州黃州鎮福定圩，周迴四十餘里；延福等五十四圩，周迴一百五十餘里；包圍諸圩在內。蕪湖縣圩岸，大小不等，周迴總約二百九十餘里；通當塗圩岸，共約四百八十餘里；並皆高闊壯實。湖水一岸種植榆柳，足捍風濤，詢之農民，實爲永利。於是詔獎諭。知寧國府汪某，言他圩無大害，惟重圩最爲民害，只決此圩，水勢且順，從之。

知寧國府汪某請祇決重圩

湖田圍田之由來

李光論湖田

又有湖田圍田：紹興五年春二月，寶文閣待制李光，言明越之境，皆有陂湖，大抵湖高於田，田又高於江海，旱則放湖水溉田，澇則決田水入海，故不爲災。本朝慶歷嘉祐間，始有盜湖爲田者，三司使切責漕臣甚嚴。政和以來，創爲應奉，始廢湖爲田，自是兩湖之民，歲被水旱之患。壬子歲，嘗取會餘姚上虞兩邑利害，自廢湖以來，每縣所得租課，不過數千斛，而所失民田常賦，

史才論湖田

圩田湖田爲  
害之故

澶水記開述  
王介甫湖梁  
山泊之策

動以萬計，遂先罷兩邑湖田。其會稽之鑑湖，鄞之廣德湖，蕭山之湘湖等處尙多。望詔漕臣訪問，應明越湖田盡行廢罷。其江東西圩田，蘇秀圍田，併徧下諸路監司守令條上。詔諸路漕臣躬親相度，以聞於朝。二十三年，諫議大夫史才，言浙西民田最廣，而平時無甚害者，太湖之利也。近年瀕湖之地，多爲軍下侵據，累土增高，長隄彌望，名曰壩田。旱則據土以溉，而民田不沾其利，水則遠近泛濫，不得入湖，而民田盡沒。望詔有司究治，盡復太湖舊跡，使軍民各安，田疇均利。從之。按圩田湖田，多起於政和以來，其在浙間者，隸應奉局。其在江東者，蔡京秦檜，相繼得之。大概今之田，昔之湖，徒知湖中之水，可涸以墾田，而不知湖外之田，將胥而爲水也。主其事者，皆近倖權臣，是以委鄰爲壑，利己困民，皆不復問。澶水記聞：言王介甫欲興水利，有獻言欲涸梁山泊，可得良田萬頃者；介甫然其說，復以爲恐無貯水之地；劉貢甫言

寧宗禁增圍田

自孝宗以來對於各處圍田或設禁或開禁之辦法

：在其旁別穿一梁山泊，則可以貯之矣；介甫笑而止；當時以爲戲談。今觀建康之永豐圩，明越之湖田，大率即湊梁山泊之策也。寧宗嘉定三年，申嚴圍田增廣之禁。先是孝宗隆興二年，詔江浙水利，久不講修，勢家圍田，湮塞流水，諸州守臣，按視以聞。於是湖宣秀常諸州，並乞開圍田，濬溝瀆，詔委各官措置。淳熙十年，大理寺丞張抑，請責縣令，毋給據，有圍裹者，以違制論。既而漕臣錢冲之，請每圍立石以識之，共一千四百八十九所，令諸郡遵守。至慶元二年，戶部尙書袁說友，言浙西圍田不便。嘉泰元年，以大理寺直劉佑賢，宗正寺主簿李澄措置。自淳熙十一年，立石之後，凡官民圍裹者盡開之。開禧二年，以淮農流移，無田可耕，詔兩浙州縣，已開圍田，許原主復圍，專召淮農租種。至是臣僚言，豪民巨室，並緣爲奸，加倍圍裹，又影射包占水蕩，有妨農民灌溉。於是復詔浙西提舉司，俟農隙開掘。至八年九月，又申禁兩浙

國田。十七年，臣僚言越之鑑湖，溉田幾半會稽，興化之木蘭陂，民田萬頃，歲飲其澤。今官豪侵占，填淤益狹。宜戒有司每歲省視，厚其淤蓄，去其壅塞，毋容侵占，以妨灌溉。命皆次第行之。理宗寶慶元年，除嘉泰年間已開闢田租錢。紹定二年，詔浙西提舉司，下所部州縣，將修復闢田，減納苗米，毋收斛面。

## 遼金之水利

金代治河之設官

遼代建國北方，於河無與。金克宋之初，兩河悉畀劉豫；豫亡，河遂盡入國境。數十年或決或塞，遷徙無定，因設官置屬，以主其事。沿河上下，凡二十五埽，六在河南，十九在河北，埽設散巡河官一員，而置都巡河官六員，後又特設崇樞上下埽都巡河官兼石橋使，凡巡河官，皆從都水監廉舉；總統埽兵萬二千人。至世宗大定八年夏六月，河決李固渡，水潰曹州城，分流於單州之

宗毅言河難  
復故道

肅言塞新  
河不如築隄

尙書省請脩  
河而東增築  
隄又請修隄

地。九年春正月，遣都水監梁肅，往視決河。河南統軍使宗室宗毅，言大河所以決溢者，以河道積淤，不能受水故也。今欲河復故道，不惟大費工役，亦卒難成功。縱能塞之，他日霖潦又將潰決。且興大役人心搖動，恐宋人乘間構爲邊患。肅亦言新河水六分，舊河水四分，今若塞新河，則二水合流，如遇漲溢，南決則害南京，北決則山東河北均被其害。不如於李固渡築隄，以防決溢爲便。帝從之。十一年，河決王村，南京孟衛州界，多被其害。十二年春正月，尙書省奏言：水東南行，其勢甚大，可自汾陰廣武山衍河而東，至原武陽武東明等縣，孟衛等州，增築隄岸。詔從之。十三年春三月，尙書省請修孟津滎澤等縣堤埽。十七年秋七月，大雨，河決白溝。冬十二月，尙書省請修隄埽，日役夫萬一千五百，以六十日畢工。二十年冬十二月，河決衛州及延津京東埽，瀾漫至歸德府，遂失故道，勢益南行。乃自衛州埽下接歸德府，南北兩岸，增

言河防者皆注重守禦

築隄防，以捍湍怒。二十一年冬十月，以河移故道，命築隄以備。二十六年秋八月，河決衛州隄，壞其城。帝命戶部侍郎王寂等，馳傳措置備禦。既而河勢泛濫及大名，遣戶部尚書劉瑋巡視。自是以後，言河防者，或復故道，或修隄防，皆注重守禦焉。

遼太宗命誘爾昆錫林居烏爾古地

水田之事，遼少而金多。遼太宗詔以烏爾古之地，水草豐美，命誘爾昆錫林居之，益以海勒水之善地爲農田。見於輿通志者，如此而已。金之事可分爲章宗時宣宗時言之：

金章宗時之水利

章宗明昌五年，閏十月，詔郡縣有河者，皆開引以溉田。既而八路提刑司，雖有河者，皆言不可溉；惟中都路，言安肅定興二縣，可引河溉田四千餘畝。詔行之。先是馬諷爲雄州歸信令，境有河曰八尺口，每秋潦漲溢，害民田，諷疏決之，其患遂息。傳慎微權陝西諸路轉運使，復修三白龍首等渠以溉田，



縣官興水利  
之獎勵法

募民屯種，貸牛及種子以濟之。是時盧庸爲定平令，治舊堰，引涇水灌田，民賴其利。六年十一月，詔縣官有興水利過百頃者，陞本等首注除穆昆。所管屯田，能創增三十頃以上者，賞銀絹二十兩疋，其租稅止從陸田。承安二年，敕放白蓮潭東牐水，與百姓溉田。三年，命勿毀高梁河閘，從民灌溉。泰和三年六月，遣官行視中都田禾水澤分數。八年七月，詔諸路按察司，規畫水田。部官謂水田之利甚大，沿河通作渠，如平陽掘井種田，俱可灌溉。比年邳沂近河，布種豆麥，無水則鑿井灌之，計六百餘頃，比之陸田，所收數倍。以此較之，他境無不可行者。遂令轉運司及諸路按察司，因勸農，可按問開河或掘井如何爲便，規畫具申，以俟興作。

金宣宗時之  
水利

宣宗貞祐三年三月，諭尙書省，歲旱議弛諸處碾磑，以其水溉民田。七月，又禁隨朝職官奪民碾磑，以自營利。四年八月，言事者程淵，言碭山諸縣，

陂湖水至，則畦爲稻田，水退種麥，所收倍於陸地，宜募人佃之，官取三分之一，歲可得十萬石。從之。興定五年五月，南陽令李國瑞：創開水田四百餘頃。詔陞職二等，仍錄其最狀，徧諭諸道。至冬，遂議興水田。省臣奏：河南郡縣，多古所開水田之地，收穫多於陸地數倍，敕令分治。戶部按行州郡，有可開者，誘民赴功，其租止從陸田，不復添繳，仍以官賞給之。陝西除三白渠設官外，亦宜視例施行。元興元年正月，遣戶部郎中楊大有等，詣京東西南三路開水田。

## 元之水利

尙文奏言河  
北趨及瓠隄  
之故

元時河決屢告，輒加隄塞。成宗時，命廉訪使尙文，相度形勢，爲久利之策。文言河自陳留抵雒，東西百餘里。南岸舊河口十一，已塞者二，自淵者六，通川者三，岸高於水，計六七尺，或四五尺。北岸故隄，其水比田高三四尺

宜順水性築  
長隄被患家  
給退灘地爲  
永業  
河北及山東  
詩案決口與  
尙文之言相  
反

丞相脫脫請  
躬任治河事

或高下等。大概南高於北，約八九尺，隄安得不壞，水安得不北也。蒲口今決千有餘步，東走歸德舊瀆，行二百里，至歸德橫隄之下，復合正流，或強湮遏，上決下潰，功不可成。揆今之計，河西郡縣，宜順水性，遠築長隄，以禦泛溢。歸德徐邳之民，任所便避其衝突。被患之家，量於河南退灘地內，給付頃畝，以爲永業。異時河決他所，亦如之，亦一時救患之良策也。不塞便。時河朔郡縣，及山東憲部，爭言不塞則河北桑田，盡化爲魚鼈之區，塞之便。帝從之。是後障塞之役，無歲無之，而水北入河，復故道，竟如文言。武宗至大二年，仁宗皇慶二年，泰定帝泰定二年，三年，河患之最著者也。

順帝至正初，河決白茅金隄等處。瀕河郡邑，皆罹水患。丞相脫脫，慨然有志於事功，論及河決，即言於帝，請躬任其事。乃命集羣臣議廷中，而言人殊；惟都漕運使賈魯，言必當治。先是魯常循行被水郡邑，得修捍成策，後

賈魯獻二策

脫脫離其後策

成遵謂河之故道不可復

又爲都水使者，奉旨詣河上相視，驗狀爲圖，以二策進獻：一議修築北隄，以制橫潰，其用功省；二議疏塞並舉，挽河使東行，以復故道，其功費數倍。至是復以二策對，脫脫離其後策。於是遣工部尙書成遵行視河，議其疏塞之方以聞。遵等自濟濮汴梁大名，行數十里，掘井以量地之高下，測岸以究水之深淺，博采輿論，謂河之故道，斷不可復。時脫脫先入魯言，與遵論辯，終莫決。明日，執政謂遵曰，修河之役，丞相意已定，且有人任其責，公勿多言，幸爲兩可之議。遵曰，胸可斷，議不可易。遂出遵河間鹽運使。詔開黃河故道，命魯以工部尙書，充河防使。發河南北兵民七十萬，自黃陵岡南，達白茅，放於黃固哈只等口。又自黃陵西，至楊青村，合于故道，凡二百八十里。自其興功，凡五閱月，河復故道。命翰林學士承旨歐陽玄，製河平碑文，以旌勞績。玄旣爲河平之碑，又自以爲司馬遷班固，記河渠溝洫，僅載治水之道，不言其方

賈魯治河五月河復故道  
歐修玄製河平碑文言治水之方

，使後世任斯事者，無所效則。乃從魯訪問方略，及詢過客，質吏牘，作至正河防記。略曰：治河一也，有疏，有濬，有塞，三者異焉。釀河之流，因而導之，謂之疏；去河之淤，因而深之，謂之濬；抑河之暴，因而扼之，謂之塞。疏濬之別有四，曰生地，曰故道，曰河身，曰減水河。生地有直有紆，因直而鑿之，可就故道；故道有高有卑，高者平之以趨卑，高卑相就，則高不壅，卑不滯，慮夫壅生潰，滯生堙也。河身者，水雖通行，身有廣狹；狹難受水，水益悍，故狹者以計闢之；廣難爲岸，岸善崩，故廣者以計禦之。減水河者，水放曠則以制其狂，水驟突則以殺其怒。治隄一也，有創築修築補築之名，有刺水隄，有截河隄，有護岸隄，有縷水隄，有石船隄。治埽一也，有岸埽，水埽，有龍尾欄頭馬頭等埽，其爲埽臺及推卷牽制懸掛之法，有用土用石用鐵用草用木用杙角紐之方。塞河一也，有缺口，有豁口，有龍口，缺口者已成川，豁

賈魯論工之難易及用物之效

賈魯用沈舟法以之代壩非以之塞決

口者舊常爲水所裕，水退則口下於隄，水漲則溢出于口，龍口者，水之所會，自新河入故道之濊也。此外不能悉書。又魯常有言：水工之功，視土工之功爲難；中流之功，視河濱之功爲難；決河口，視中流又難；北岸之功，視南岸爲難。用物之效，草雖至柔，柔能狎水，水漬之生泥，泥與草並力重如碇，然維持夾輔，纜索之功實多。蓋由魯周知河事，故其功之所就如此。考賈魯治河，用沉舟之法，人皆稱之。夫河底淺深坦陷不一，惟草柳性柔，一經壓擠，則周遭充滿，故塞決必用埽。今以至平之舟底，而沉之深淺坦陷不一之湍流，則埽根透溜之患，必有不俟終日而見者。若沉舟之後，仍用埽工繼之，則所費不資，何如專用埽之便而省。然則魯之沉舟，蓋以代壩而逼水，非以塞決而合龍也。彼時故河業已通流，但決河勢大，水流多於故河十之八；又適當秋漲，洄漩湍急，埽不能下；又其上逼水三隄，短弱而勢不支，恐埽行一遲，水盡湧決，

決則故河復淤，前功盡墮，因急沉舟爲壩以逼之，所謂搶救也。故至正河防記，前則曰，魯乃精思障水入故河之方，後則曰，船隄之後，草埽三道並舉，此並舉之三道，乃加築前短弱之三隄也。迨至船埽四隄並就，河勢南流，然後塞決耳。不然，魯於九月七日沉舟，而龍口之合，何以直至十一月十一日耶？語出清靳輔，見經世文編。

案黃河自禹告成功後，釀爲二渠：自漢黎陽縣，今河南濬縣東南大伾山南之宿胥口始。一北流，經大伾西，爲大河；一東流，經大伾山南，爲深川。周定王五年，河徙，自宿胥口東行深川，至長壽津，在河南滑縣東北，與深別行，而東北合漳水，至今河北之天津而入海，漢桑欽所著水經，稱爲大河故瀆者是也。王莽始建國三年，河決魏郡，泛清河平原濟南，至千乘入海。後漢永平中，王景修之，遂爲大河之經流，水經注所稱爲河水者也。宋仁宗時，河決於

商胡，在今河北濮陽縣東北，分爲二派：北流者，合永濟渠，至乾寧軍，在今河北青縣境東北入海；東流者，合馬頰河，至無棣縣入海。二流迭爲開閉，宋史河渠志所載是也。金章宗明昌五年，河決陽武故隄，灌封邱，而東注梁山灤，在今山東東平縣西南，分爲二派：一由北清河，即今之黃河而入海；一由南清河，即泗水故道，奪淮而入海。元世祖至元中，河徙，出陽武縣，南北流漸微。至順帝時，河水屢決，則又有北趨之勢，甚勿謂元時之河，猶夏禹時河之故道也。

元時之河非  
夏禹時河之  
故道

元代之水官

元有天下，內立都水監，外設各處河渠司，以興舉水利，修理河隄爲務。故元代興水田，史冊記載尤多，述如下：

規措三白渠

太宗十二年，京兆舊有三白渠。自元伐金以來，渠堰缺壞。陝人雖欲種蒔，不獲水利。賦稅不足，軍興乏用，令梁泰規措三白渠，使郭時中副之。



世祖年間開  
廣濟渠禁人  
侵水

郭守敬請分  
引各水溉田

郭守敬請按  
視金口故跡  
並開疏水口

世祖中統元年，懷孟路歲旱，總管譚澄，令民鑿塘造渠，引沁水以灌田。二年提舉王允中等，奉詔開渠，六百七十七里，集戍，甚益於民，名曰廣濟。次年八月，廣濟渠司言沁水渠成，已驗工分水，恐久遠權豪侵奪。乃下詔，依本司所定水分，以後諸人毋得侵奪。時左丞張文謙，薦郭守敬習水利，帝召見守敬言順德澧河，東至古任城，此水開修成河，其田即可耕種；又磁相東北，滏漳二水合流處，引水由滏陽鄆鄆洛州永年雞澤，合入澧河，可灌田三千餘頃；又懷孟沁河雖澆灌，猶有漏堰餘水，東與丹河餘水相合，引東流至武陟縣北，合入御河，可溉田二千頃；又黃河至孟州西，開引少分一渠，經由新舊孟州中間順河古岸，下至溫縣南，復入於河，可灌田二千餘頃。旋授守敬提舉諸路河渠，而允中亦請開漳滏諸河溉田，從之。守敬又言：金時自燕京之西麻谷村，分引盧溝一支，東流穿西山而出，是謂金口。其水自金口以東，燕京以北

郭守敬復西夏古渠

，溉田若干頃，其利不可勝計。兵興以來，典守者懼有所失，因以大石塞之；今若按視故跡，使水得通流，則上可以致西山之利，下可以廣京畿之漕。又言當於金口西，預開減水口，西南還大河，令其深廣，以防漲水突入之患。帝善之。至元元年，守敬使副使張文謙，行視西夏古渠。在中興者，一名唐來，長四百里；一名漢延，長二百五十里。他州正渠十，皆長二百里；支渠大小六十，灌田九萬餘頃，兵興以來，廢壞淤淺。守敬更立隔堰，皆復其舊。七年二月，立司農司，專掌農桑水利，仍分布勸農官，及知水利者，巡行郡邑。至是之後，詔諸路開浚水利之事，連年有之。其時能興水利者，自郭守敬外，如西夏行省郎中董文用，始開唐來漢延秦家等渠，墾中興西涼甘肅瓜沙等州之土爲水田；平陽路總管鄭鼎，導汾水，溉民田千餘頃；荊南行省廉希憲，決江陵城外蓄水，得良田數萬畝，爲貧民業；長葛令趙志，以地卑濕，使爲水田，旱則決

郭守敬外講水利諸人之片略

漢水灌之；清苑令耶律伯堅，毀世家水碓，以溉民田，以餘月堰水置碓，事聞省部，著爲定制；大理等處巡行勸農使張立道，以昆明池環五百里，夏潦暴至，必冒城郭，役丁夫二千人治之，洩其水，得良田萬餘頃；衛輝守王昌齡，因清水出輝縣山陽鎮入衛河，創淺溝澮，溉田數百餘頃；至成宗時，判溫州皮元，重建陰均斗門，溉田四十餘萬畝；雷州守烏古孫澤，教民浚故河，得良田數千頃，瀕海廣瀉，並爲膏土；皆因地制宜，民獲其利者也。

成宗時之水利

成宗卽位初，平章特爾格，奏太湖澱山湖，世祖時疏掘，今湖日受兩潮，漸致沙漲，乞即以澱山湖田糧二萬石，募民夫四千，調軍夫四千。依舊宋例屯守。從之。大德二年，立浙西都水庸田司，專主水利，置浙西平江湖渠閘堰，凡七十八所。六年正月，築渾河隄八十里，禁豪家毋侵舊河，令屯田軍及民耕種。

武宗時修治江浙陂塘圍岸溝渠

庸田司五等圍岸體式以水爲平

哈喇哈斯在和林溉田

元英宗時虞

武宗時，行省言江浙田圍，高下不等，陂塘圍岸溝渠，宜依法修治。遇旱則車水灌救，遇潦則洩水通流。修浚之際，田主出糧，佃戶出力。係官圍田，無力修浚者，官爲借貸，收成如數還官。其拋荒無承佃者，諭富戶修築塋圍，聽令佃種。拋荒官田，止納原租，初年免徵，三年照民田輸稅。並照前庸田司五等圍岸體式，以水爲平。田與水平者爲第一等，岸圍高七尺五寸，底闊一丈，面闊五尺；田高一尺，爲第二等，圍岸高六尺五寸，底闊九尺，面闊四尺五寸；田高二尺，爲第三等，圍岸高五尺五寸，底闊八尺，面闊四尺；田高三尺，爲第四等，圍岸高四尺五寸，底闊七尺，面闊三尺五寸；田高五尺，爲第五等，止添備水圍岸高三尺，底闊六尺，面闊三尺；若迫近諸湖之處，自願增高者聽。又右丞相哈喇哈斯，行省和林，浚古渠溉田數千頃。

英宗時，虞集爲國子祭酒，嘗因講罷，論京師恃東南運糧，實竭民力以航

集請於北京  
以東作水田  
省漕運爲議  
者所阻

順帝時從脫  
脫、順近議  
水利

不測。今京師之東，瀕海數千里，北極遼海，南濱青齊，萑葦之場也。海潮且至，淤爲沃壤，用浙人之法，作隄捍水爲田，聽富民欲得官者，分授以地，因定其畔以爲限。能以萬夫耕者，授以萬夫之田，爲萬夫長，千夫百夫亦如之。一年勿征也，三年視其成，以地之高下中爲率，朝廷以次漸征之。五年有積蓄，命以官，就所儲給以祿。十年，佩之符印，後以傳子孫，如軍官之法。則東南民兵數萬，可以近衛京師，外禦島夷，遠寬東南海運，以紓疲民。說者以爲一有此制，則執事者必以賄成，而不可爲矣。事遂寢。至順帝至正十三年，脫脫言京畿近水地利，召江南人耕種，歲可收粟麥百萬餘石，不須海運而自足食。於是西自西山，南至保定河間，北至檀順州，東至遷民鎮，官地及屯田，悉從分司農司，引水立法佃種，給鈔五百萬錠，以供牛具等用，及各屯田荒田立司牧督掌。又議於江浙淮東，募能種水田及修築圍堰之人，各一千，名爲農師

，教民播種。從之。

文宗時之水利

文宗天曆二年三月，修洪口渠。洪口渠引涇水入白渠，自涇陽至臨潼五縣，分流灌田七萬餘頃，驗田出夫。自唐宋以來，每年八月一日修堰，至十月放水溉田，分三限，以爲年例。當武宗至大三年，從陝西行臺御史王承德請，展修石渠。至是以奉元歲旱，河渠司郭嘉，議請令涇陽近限水利戶，添差修築，命行之。三年三月，天久亢旱，因懷慶路同知阿哈瑪特言，重修廣濟渠。

元講水利不外通漕溉田

總而言之：元之講水利，不外於通漕溉田。決雙溝白河諸水，爲通惠河，以濟漕運，而百姓無轉餽之勞。導運河，疏灤水，而武清平糶，無墊溺之虞。浚治河漳滹沱，而真定免決隤之患。開會通河於臨清，以通西北之貨。疏陝西之三白，以溉關中之田。洩江湖之淫潦，立捍海之橫塘，而浙右得免於水患。分載於續通志，續通考，不遑枚舉焉。

## 明之水利

河決必在河南之故  
河決時南侵及北衝爲患之大小

論廢漕伸河之害

河自龍門下流，束於萬山，南至豫州，地平勢怒而河無安流矣；故河之決必在河南，而既決之後，不南侵全淮，即北衝齊魯。浸全淮者潰散於穎毫徐宿，而害在田廬民業。衝齊魯者，橫激於曹濮單鄆，而患兼在隄防運道。然淮近而身大，決入淮者，患小而治速。漕遠而身小，決入漕者，患大而治難。明代河之決口，必在開封南北百里，而被害之地，漕七淮三，後乃駁駁數病漕河焉。蓋合大河以歸一淮，物不能兩大，况水又泥淖多滓，驅二漕之水，行關塞之途，其必潰也明甚。而兗州卑下，齊魯瀕下黃河所向，並牽漕河諸水，盡瀉入河；故河決之事，陸則病水，水則病涸，發則病水，去則病涸，齊魯病水，漕河病涸，一隅病水，全河病涸。而說者謂河既欲自豫決兗入漕達海，何不盡浚豫兗諸決地聽河北流，過濟寧，下臨清，出直沽，漕與河合，漕不病竭，淮與

徐有貞謂先  
塞繼浚  
劉大夏謂先  
浚後塞  
明代河未阻  
運皆浚塞之  
力

洪武時議浚  
黃河故道

河分，淮不病溢，策至便也。不知淮河浩瀚，千里一瀉，猶不能洩怒，時思沸湧，漕水千步百折，委紆盤曲，河豈能按轉徐行乎。若必廢漕制以伸河體，取咽喉之地，爲尾閭之衝，必無幸矣。故治水之道，不外三說，曰疏，曰浚，曰塞。明徐有貞，謂水平後可治決，決止乃可浚淤，此先塞繼浚之法也。劉大夏，謂河道不治，乃修築隄防之功多，疏浚分殺之功少，此先浚後塞之法也。他如潘季馴之不失故道，不分濁流，楊一魁之首開武墩，次疏具壩，皆爲良策。終明之世，河患時警，未嘗一歲阻運者，浚塞之力也。述之如下：

洪武中，河決陽武，東經開封城北五里，又南行至項城，經潁上，東至壽州正隄鎮，而全入於淮，元會通河遂淤。至永樂九年，決益甚，議浚黃河故道。工部侍郎張信，言祥符縣有舊黃河岸，與今河平，宜可濬大。發卒濬之。而主事滿芳，言今於中澗分導河流，使復故道，誠萬世利，乃自汶上縣袁家口左



徙二十里，至壽張之沙灣，接舊河，又從汴城金龍口下達塌口，經二洪，南入淮，九閱月而底績。

徐有貞以知天時地利人事爲治水三要

以爲注水驗疏策之良

作閘堰水過又則洩

英宗正統十三年，河決張秋沙灣，又決滎陽。景帝景泰中，又決張秋，治久無功，乃遣都御史徐有貞治之。有貞行汶濟踰衛及沁，循河道濮范，往來相度者久之。上疏言：以治水有三要，在知天時地利人事。請先疏其水，水勢平，乃治決，然後可建閘壩，以時節宣，無溢涸，而後河可得而安。時有撓其議者，上遣中使就問。有貞出二壺，一窺五窾者各一，均注水而並瀉之，五窾者先涸。於是使者曉然，知疏策之爲良也。歸報命，議遂決。於是有貞作治水閘，疏水渠；既成，賜渠名廣濟，閘名通源。凡河流旁有不順者堰之，堰有九。又作放水閘於東昌龍灣魏灣，閘有八。度水盈過丈則洩，皆通古河以入海。時專力河防，役丁夫五萬八千，事不中制，役得有功，蓋三年而告成云。

弘治時河決  
分爲三支

自昂樂長堤  
疏月河塞決  
口

東西分治主  
疏

創大夏主張  
治上流

孝宗弘治初，河決原武，支有三：其一決封邱金龍口，漫祥符長垣，而下趨張秋，衝衛通河，而奔放於海；一出中牟，下尉氏；一溢蘭陽儀封考城歸德，至宿州，瀰漫四出不可禁。令戶部侍郎白昂治之，乃築陽武長堤，防張秋中牟之決以入淮，濬宿州古汴河以達泗。自河西抵歸德飲馬池，經符離而南，皆濬令深廣。又疏月河十餘，以殺其勢，塞決口三十六。由是而河入汴，汴入淮，雖入泗，泗入淮，以達海，而水患以平。昂以河南入淮，非正道，恐卒不能容；乃自魚台，歷德州，至吳橋，修古長堤。又自東平北至興濟，鑿小河十二道，引水入大清河及古黃河以入海，蓋東西分治以主疏也。弘治七年，河復決金龍，潰張秋堤，奪汶水入海。議者謂河不宜復治，宜治海運，而朝議弗是也，命平江伯陳銳，同都御史劉大夏督治之。大夏行視決口，闊九十餘丈，以下流未可治，宜治上流。先導之南行，只築長堤，以防大名山東之患，候河循軌

漕道復通  
名安平鎮  
邱濬謂洩上  
流須先疏通  
下流

，而後決可以塞。於是發丁夫數萬，濬賈魯舊河，由曹出徐以殺水，濬孫家波，開新河七十餘里，導使南行；又濬四府營淤河，沿長秋兩岸，東西築台立表，貫索網，聯巨艦，穴而窒之，實以土，至決口，去窒沉艦，壓以大埽，合而復決，隨決隨築；決既塞，繚以石堤，隱如長虹；又起河南胙城，經滑長垣東明曹單諸縣，下盡徐州，作長堤，亙三百六十里，而漕道復通。張秋之決既塞，賜名安平鎮。時邱濬著論，不以爲是。蓋謂欲上流之消洩，必先使下流之疏通也。

正德年間之  
治河

武宗正德四年，河決曹單，趨沛，出飛雲橋。命工部侍郎崔巖往治，發丁夫四萬餘人塞，垂成漲潰，代以右侍郎李鏜，四月弗成，盜起而罷。七年九月，以右都御史劉愷，總理河道，愷築大堤，起魏家灣，亙八十餘里，至雙堠集，都御史趙瑣，又築堤三十里續之，曹單以寧。

嘉靖時運道  
阻胡世寧謂  
當因故道而  
分其勢

朱衡訪盛應  
期故跡請開  
新河以通漕

隆慶時河決  
翁大立謂權  
宜之計在棄  
故道經久之  
策在開淤河

世宗嘉靖七年春正月，鑿新漕不成，運道大阻。刑部尚書胡世寧，上言：運道之塞，河流致之，故今治河當因故道，而分其勢也。河道都御史盛應期言：宜於昭陽湖左，別開新河，北至姜家口，南至留城，一百四十里，以通漕。其說與世寧合，乃集夫役分標開鑿。已而言者謂其功難成，新河之議並寢。嗣是歲有決溢，至四十五年，河塞新集，而南流阻，再塞龐家屯，而全河北徙，不可漕。於是都御史朱衡，躬親相度，訪應期故跡，因疏言於秦溝因勢利導之，開新河以通漕，而廷議謂不可爲。衡復上議，言河幸出秦溝直境山南五里所，雖兼授數河之任，猶爲有束盪，而河流得益駛疾，卽夏秋水勢盛極，亦不能出新河西堤外，而昭陽湖受之水，得游蕩休焉。於是新河就，西堤亦成。

穆宗隆慶中，河復溢。總河翁大立，乃繪圖獻。且言權宜之計，在棄故道而就新衢；經久之策，在開淤河以避洪水。廷議以爲往者劉大夏設官布夫，而

朱衡請開  
泃口之說交  
廷議

萬曆時河決  
潘季馴導  
河即泃海治  
防即導河

成高家堰之  
方法

河南之患息，近日改成新河，而豐沛之害平，非必河自順軌，由人力勝也。今既不能引他水以濟漕，而新衝之渠，卒未可就，惟築決口，則故道宜可通。至如泃口之議，雖工費不貲，而一勞永逸，比歲疏鑿費亦自省。於是復以朱衡往蒞之，衡言宜將議者開泃口之說，下廷臣詳議，報可。

神宗萬曆五年秋八月，河決崔鎮，淮決高家堰。先是潘季馴爲都御史，其治河惟求復故道。至是復以季馴爲右都御史，總理河漕。議者主濬海口，季馴按行相視，以爲海口，因潮汐之所從往來也；隨濬隨淤，何可濬；惟導河歸之海，則以水治水，導河即濬海也。然河未易以人力導，惟善固堤防，使無旁決，水入地益深，則治防即導河也。於是築埝起武家墩；築堤起清江浦；且嚴五壩起閉，自徐抵淮，互六百餘里，皆填土膠泥，築南北兩堤；諸縷堤迫河者，展築兩崖；地窪下者，各增原堤；短蹙即培薄增高。爲之三年，而高家堰成。

章居敬駁楊一魁導濟入衛之說

又駁王士性復河故道之說

潘季馴請定啟閉閉關之法

潘季馴謂故道不可失獨

十五年冬十月，命工科給事中章居敬，相度黃河，議修治之策。督河楊一魁，議因決濟運，導之入衛。居敬言衛輝城卑於河，恐一決有衝潰之患，沁水多沙，蓄淤，入漕未便；不如堅築決口，開河身，加浚衛河，民可灌田。上從之。十六年春三月，禮科給事中王士性，請復河故道，爲一勞永逸之計。章下所司，章居敬言故道難復不行。復議開督家營支河，尋諸決口皆塞，淤者復疏。夏六月，總理河道潘季馴上言，河水濁而強，汶泗清而弱，交處則茶城也。每至秋月，黃水發入淮，沙停而淤，勢也。黃水減，漕水從之，沙隨水流，河道自通，縱有淺阻，不過旬日。往者立石洪內華二閘，遇水發，即閉之，以遏其橫，黃水落，則啓之，以出泉水。但建閘易，守閘難，貢使之馳行，勢要之開放，急不能待，而運道阻矣。乞禁啓閉之法。報可。十九年秋九月，泗州大水，淮水泛溢，高於城，溺人無算，浸及祖陵。總督河道潘季馴上言：水情不可拂，河

流不可分以  
隄東水以水  
攻沙

防不可弛，地形不可強，治理不可鑿。人欲棄舊以爲新，而臣謂故道必不可失；人欲支分以殺勢，而臣謂濁流必不可分。霖淫水漲，久當自消。時季馴凡四治河，河皆治。季馴之議，以爲河性湍悍善徙者，水漫而沙壅也。法莫若以堤束水，以水攻沙，循河故道，束而湍之，使水疾沙刷，無留行；而又近爲縷堤，縷堤之外，復爲遙堤，故水益淺遠，不至旁決焉。二十三年夏四月，命工部給事中張企程，勘淮泗工。九月，總督漕運褚鐵，議導淮。總理河道楊一魁，議先分黃，次導淮。御史牛應元，議合行之。又爲祖陵計，黃壩口決，當制；小林淤，當挑；歸仁堤，當培；上從之。祖陵水漸退，而水患息。二十五年春正月，河決黃壩口。總督漕運尙書褚鐵，言口宜塞，否則全河南徙，害將立見。總河尙書楊一魁，謂黃壩口深淵難塞，議浚小浮沂泗，築小河口。工成，果利運。尋久旱運河涸，而河又決義安東壩。一魁議浚黃壩口，及上歸灣活嘴，

楊一魁修黃  
壩口

牛應元請合  
行導淮分黃  
二家

楊應文請開  
泃河

劉東星請開  
趙渠

高舉請開膠  
萊河

付如春因開  
河放水不得  
法驚悸暴卒

以受黃水，救小浮橋泗上之壅，因繪河圖以上。二十六年春三月，工部給事中楊應文，請開泃河。泃河在膠嶧沂沐下流，南通淮海。隆慶以來，翁大立數議未決，舒應龍嘗鑿韓莊中輟，時河決黃壩口，請終其功。報可。夏六月，總理河道漕運劉東星，循行河隄，謂阻漕治在標，決河治在本，兩利並存之，議開趙渠。二十九年秋九月，河決蕭家口，東星工未竟而卒。十一月，河南道御史高舉，循前山東副使王憲議，請開膠萊河，格於守臣而止。三十一年春正月，山東巡撫黃克績，言開王家口爲蒙牆上流，上流既達，則下流不宜旁泄，宜塞從之。總理河道侍郎曾如在，力主開黃家口，領六十萬金，竭智畢慮，既開新河，雖深廣，其南反淺溢，故水不行；所決河，廣八十餘丈，而新河僅三十丈，不受任。或獻議藉河自然之勢衝淺處，如春令放水，河流濁下皆泥沙，流勢稍緩，下已淤半矣。一夕水漲，衝魚台單縣豐沛間，如春聞之，驚悸暴卒。



李化龍開海  
河分水河

萬曆三十四  
年河歸故道

崇禎年海  
河

李自成決水  
灌開封沒與  
故河分流

洪武年間之  
灌溉

以工部右侍郎李化龍，總理河道。化龍於三十二年春正月，開海河。秋八月，河決蘇家莊。九月壬申，分水河成。三十三年秋七月壬午，呂梁河澀。給事中宋一韓，論前總督李化龍海河之誤，不報。三十四年夏四月癸亥，河工成。自朱旺口至小浮橋，袤百七十里，河歸故道，役五十萬人，費八十萬金，五閱月而竣。

懷宗崇禎六年夏五月，運河淺阻。七年冬十一月，漕運總督楊一鵬，議濬海河，從之。十五年秋九月，李自成圍開封，河決城陷，遂成巨浸，水大半入泗入淮，與故河分流，邵亮皆災。

以上所言，明代之河防也。至灌溉等事，明代講求尤夥。述如下：

太祖洪武元年，修和州銅城堰閘，周圍二百餘里。四年興修安靈渠，爲陡渠者三十六，渠水發海陽山，秦時開鑿，溉田萬頃，馬援葺之，後圯，至是始

復。八年命長興侯耿炳文，浚涇陽洪渠堰，溉涇陽三原醴泉高陵灌田二百餘里。九年，修復彭州都江堰。十七年，決荊州嶽山壩，以灌民田。二十四年，浚定海鄞二縣東錢湖，灌田數萬頃。二十七年八月，遣國子監生，分行天下，督吏民修水利，凡開塘堰，四萬九百八十七處。

永樂年間夏  
原吉與蘇松  
嘉湖水利

成祖永樂元年四月，命戶部尙書夏原吉，治蘇松嘉湖水患，又以水利集賜原吉。原吉奏言：嘉定劉家港，常熟白茆港，宜疏。又松江大盈浦，皆爲禹貢三江入海之迹，俟水道既通，乃相度地勢，各置石閘，以時啓閉，於民爲便。帝從之。原吉布衣徒步，日夜經營，乃得奏績復命。又命原吉於河港未盡疏通處，竟未畢之工。二年，復興安分水塘。興安有江源，出海陽山江中，橫築石隄，上疊石如鱗，以防衝溢。自嚴震直撤石增埭，水迫無所洩，衝橫塘岸盡趨北渠，南渠淺澀，民失利。至是修復如舊。是歲夏原吉治水蘇松，盡通舊河港。

濬縣故渠  
引滹沱水灌  
田  
麗水縣民山  
東民文水民  
之言水利

宣德年華嵩  
請修洪渠堰

福清民請修  
光賢里舊堤  
從胡嶠言開  
塞河

。又濬蘇州于墩等處，松江大黃浦等處，以通太湖下流。五年，築高要銀岡金山等處潰堤。九年，濬離縣千乘河定襄故渠，六十三里，引滹沱河水灌田六百餘頃。麗水縣民，言廣濟渠截松陽遂昌諸溪水，源流四十八派，上源民洩水自利，下源流沙壅塞，請修如舊。山東民，言鄭黃溝源出濇川，下流壅阻，陳家莊南有乾河，上與溝接，下通烏江，乞濬治。文水民，言文谷常稔渠，分引文谷河流，袤三十餘里，今河潰洩水，請修葺。皆從之。

宣宗宣德二年，華嵩言涇陽洪渠堰，溉五縣田。洪武時，耿炳文前後開濬，未久堰壞。永樂間，徐齡言於朝，會營造不果修。今乞軍夫協修。從之。四年，福清民詣闕，言光賢里，舊有堤六百餘丈，以障海水，今堤壞田荒，未興工築，民失業。帝覽奏太息，遂諭令修築。臨海民胡嶠，言諸閘澮水灌田，近年閘壞，而金鰲大浦湖涖舉嶼等河皆壅阻，乞開築。帝曰：水利急務，使民自

從許勝言修  
濬河隄岸

從陸伯倫言  
濬七浦塘

從翟江民言  
治蚌湖陽湖  
從周忱言修  
濬水隄

毀蘇松民私  
築隄堰

正統年間之  
水利

訴於朝，即勅郡縣秋收起工。江西御史許勝，言南昌瑞河，兩岸低窪，多良田，洪武年修築；比年水溢，岸圯二十餘處，豐誠安沙繩灣圩岸三十餘丈，永樂間水衝，改修三十餘丈；近者江漲堤壞，乞修理。詔可。中書舍人陸伯倫，言常熟七浦塘，東西百里，溉常熟崑山田，歲租二十餘萬石，乞聽民自濬。詔可。潛江民，言蚌湖陽湖，皆臨襄河，水漲岸決，害荊州三衛諸州縣官民屯田無數，乞令築治。從之。周忱，言深水永豐圩，周圍八十餘里，環以丹陽古血諸湖，舊堤今頽敗，請葺治。從之。七年，修眉州新津通濟堰。堰水出彭山，分十六渠，溉田二萬餘畝。宣宗從唐敏之言，况鍾之策，對於蘇松水利，靡弗修舉。獨於宣德九年，毀蘇松民私築堤堰。蓋蘇松常衆流之衝，水方趨下，一有壅遏，則泛溢四出，故田園汙岸之置，非其所者，皆足妨水道也。

英宗正統三年，疏泰興順德鄉三渠，引湖溉田；通潞州永祿等渠二十八道

於漳河。四年，從寧夏巡撫金濂言，用夫四萬浚五渠，溉蕪田一千三百餘頃。五年，令有司秋成時，修築圩岸，疏浚陂塘，仍具數繳報，俟考滿，以憑黜陟。九年，浚無錫谷里諸河；又開海陽縣隆津等溝。十三年，以雲南鄧川民困，與大理衛屯田接壤，湖畔積雨壅沙，禾苗淹沒，命州衛軍民疏治。十四年，浚和州姥鎮河張家溝，並建閘，以溉降福等七十餘圩，及南京諸衛屯田。時范衷知壽昌縣，闢荒田二千六百畝，興水利三百四十六區。天順二年，修彭縣萬工堰，灌田千餘頃。七年，浚涇陽縣鄭白故渠。

景泰年間之水利  
沐璘在雲南  
請聽受權既  
利益之家自  
造石閘  
疏靈寶梨園  
莊渠

景帝景泰四年，雲南總兵沐璘，言城東有水南流，源發邵甸，會九十九泉爲一，抵松花壩，分爲二支：一繞金馬山麓入滇池，一從黑窯村流至雲澤橋，亦入滇池。舊於下流築堰，溉軍民田數十萬頃，霖潦無所洩。請令受利之家，自造石閘，啓閉以時。報可。五年，疏靈寶梨園莊渠，通鴻瀘湖，溉田萬頃。

孫原貞請修  
西湖舊開  
成化年弘治  
年濬西湖故  
渠

七年，尙書孫原貞，言西湖舊有二閘，近皆傾圯，湖遂淤塞，民田無灌溉資，乞勅有司興浚，禁勢豪侵占，以利軍民。從之。至憲宗成化十一年，又浚錢塘門故渠，左屬湧金門建橋開，以蓄湖水。二十年，楊瑄爲浙江按察使，西湖舊可溉諸縣田四十六萬頃，時湮塞過半，瑄請浚之，功未克而卒。孝宗弘治十八年，又浚之。

成化年間之  
水利

鑿江浦北城  
圩古溝成河

張瑄雍泰之  
興水利

蔡德祐開濱  
海圩田

憲宗成化十年，廷臣會議，江浦北城圩古溝，北通滁河浦子口；城東黑水泉古溝，南入大江；二溝相望，岡壠中截，宜鑿通成河，旱引澇洩。從之。十二年，詔河西屯田官，兼理十五衛水利。二十年修嘉興等六府海田堤岸。是時張瑄，爲廣東布政使，修陂塘圩岸四千六百。雍泰知吳縣，太湖漲，沒田千頃，作堤爲民利，稱雍公堤。至武宗正德時，蔡德祐爲山東副使，分巡遼陽，開濱海圩田數萬頃，稱蔡公田。

弘治年間之  
水利  
朱瑄與河南  
水利

從葉紳言以  
徐貫濬白茅  
港

治其地即役  
其地之人

因急於成功  
港時湮塞  
從王珣言開  
靈州渠灌田

孝宗弘治元年，許以新佃蘆洲，補舊額課。六年，河南參政朱瑄，言河南府有伊洛二渠，彰德府有高平萬全二渠，懷慶府有廣洛渠方口堰，南陽府有召公等渠，汝寧縣有桃坡等堰，許州有棗祇河渠，苟盡人力，可蘇民困。巡撫徐恪以聞，勅瑄專其事，因隨宜濬通，置閘啓閉；凡王府屯官之兼併，豪右碾磨之侵據，悉厘正之。七年，吏科給事中葉紳，奏請於廷臣之中，選差通曉水利者，重其委任，度其經費，量其事期，大加浚治。乃以工部侍郎徐貫，浚吳淞白茅港，以泄積水。時費無所出，謂治其地即役其地之人，分地程工，分工賦糧，使官賴民之力，民受官之濟，不旬月厥工告成。惜其急於成功，有司多務迎合，補苴目前，止將近岸沙土，略加挑濬，移置岸旁，嗣後一遇霖雨，仍坍港內，曾未幾時，而白茅諸處，皆復湮塞。自是以後，水官裁復不一，興修因革靡定。其時曾開靈州金積山河口渠灌田，給軍民佃租，從巡撫王珣請也。

正德年間之水利

武宗正德十五年，郭英，奏應天等衛屯田，在江北滁和六合者，地勢低，屢爲水敗；從金城港，抵濁河，達烏江，因舊跡濬之，則水泄而屯田利。詔可。

嘉靖年間之水利

楊博之興水利

張岳與廉州水利

楊紹恩與紹興水利

徐九思通漕河鹽河

龐嵩治隄立惠民莊

世宗嘉靖二十五年，甘肅巡撫楊博，鑿龍首諸渠。至三十八年，博總督宣大，又請通宣大荒田水利，薄其租。時又有張岳，知廉州府，督民墾棄地，教以桔槔運水。湯紹恩，知紹興府，山陰會稽蕭山三邑之水，匯三江口入海，潮汐日至，良田盡爲巨浸；紹恩建閘三十有八，築石隄四百餘丈，刻水則石閘，以時啓閉，自是方數百里無水患。徐九思，治張秋河道，漕河與鹽河近，而不相接，漕水溢，則泛濫爲田患；九思築減水橋於沙灣，俾二水相通，漕水溢有所洩，而不侵田，少則有所限，而不至於涸，工成，遂爲永利。龐嵩，爲應天治中，江寧縣葛仙永豐二鄉，頻遭水患，居民止存七戶；嵩爲治堤築防，得困



翟晟在廣平  
引水溉田

陳邦瞻開河  
南水田

陳幼學興中  
牟水利

陳斐開江水  
溝

隆慶年萬守  
禮浚畿內溝  
洫

萬曆年間之  
水利

徐貞明治京  
畿水田之計  
畫

三千六百畝，立惠民莊四，召貧民佃之。翟晟，知廣平府，鑿長渠三百里，引水爲四閘，得田數十萬畝。至神宗萬曆時，陳邦瞻，爲河南布政使，開水田千頃。陳幼學，爲中牟縣令，有大澤積水，占膏腴地二十餘里；幼學疏爲河者五十七，爲渠者百三十九，俱引入小清河，民大獲利；大莊諸里多水，爲築堤十三道障之。又嘉靖二十六年，給事中陳斐，請仿江南水田法，開江北溝，以却水患，益歲收。報可。

穆宗隆慶四年，左都御史葛守禮，請畿內浚治溝洫，以備旱澇。從之。

神宗萬曆十三年三月，以尙寶司少卿徐貞明，督治京畿水田。貞明前爲御史時，念西北水利未興，裹糗從二三屬吏經度之，信其必可行。以爲京東諸郡，皆負山控海，負山則泉深而土澤，控海則潮淤而壤沃，諸州邑泉從地湧，一決即通，水與田平，一引即至，皆可田。其間有民棄不業之田，召民業之，助

興辦水田之  
先後次第

興西北水利  
之十四利

其力。屯地牧地屬官者，闢其蕪而取其入。先之京東數處兆其端，而畿內列郡，可漸行也。先之畿內列郡引其緒，而西北之地，可漸行也。在邊陲，則先之薊鎮，而諸鎮可漸行。至瀕海，先之豐潤，而遼海以東，青徐以南，皆可漸而行也。西北之地，旱則赤地千地，潦則洪流萬頃，一寄命於天，水利興，則旱潦有備，利一。國家全盛，據上游以控六合，顧待哺於東南，水利興而田疇之間，皆倉庾之積，利二。東南轉輸，每以數石而致一石，民力竭矣；水利興，則西北有一石之入，即東南省數石之輸，所入漸富，所省彌多，利三。秋水時至，百川灌河，數十里外，無一溝一澮之瀦蓄；今築爲渠堰，疏爲溝洫，引支流而納之，使霖潦不溢，則河流殺而其患可弭，利四。西北平原千里，騎使馳突，溝洫舉而野皆金湯，利五。西北土曠而民游，人輕去鄉土，易於爲亂；水利興而游民有歸，讐亂可弭，利六。東南生齒日繁，地不勝其民，民不安其土

徐貞明著  
水客譚  
張國彥顧養謙  
辦水利有  
效

；今招撫南人，修水利於西北，蓬蒿之野，將民均而田亦均，利七。西北田役之苦劇矣，田墾民聚，則賦增而田役可輕，利八。沿邊諸境，轉輸不能至者，招商以代輸，商避轉輸之苦，折色以兌賦；邊田墾則轉輸不煩，軍不乏餉，利九。屯田隱占，難稽久矣；西北非無田之患，田不墾之患也；水利修而浮戶佃客，募可立致，營田成而屯政自舉，利十。塞上之卒，土著者少，屯政舉則兵自足，可以省遠募之費，甦班戍之勞，停攝勾之苦，利十一。宗祿浩繁，勢將難繼；今自中尉以下，量祿之田，使自食其土，爲長子孫計，則宗祿可減，利十二。修復水利，則做古井田，可限民名田，而自昔養民之政，漸可舉行，利十三。民與地均，可做古比閭族黨之制，而教化漸興，風俗自美，利十四。著書曰潞水客譚。順天巡撫張國彥，副使顧養謙，行之薊州永平豐潤玉田，皆有效。於是給事中王敬民，薦貞明，乃進少卿，賜敕勘水利。貞明因疏請郡縣有

徐貞明請郡縣官以墾田勤惰爲殿最定獎墾田辦法

奄戚阻撓辦水田

王之棟言開濬沱不便

申時行謂水田爲謀國長策

司，以墾田勤惰爲殿最。地宜稻者，江漸勸率，宜黍宜粟者如故，不遽責其戚。召募南人，給衣食農具，俾以一教十。能墾田百畝以上，卽爲世業，子孫得寄籍入學。其卓有明效者，倣古孝弟力田科，量授鄉遂都鄙之長。墾荒無力者，貸以穀，秋成還官，旱澇則免。郡縣民壯，役止三月，使疏河芟草，而墾田則募專工。帝悉從之。乃先治京東州邑，命監察御史領墾田使，有司撓者劾治。自九月至明年二月，已墾至三萬九千餘畝。又遍歷諸河，窮源竟委，將大行疏浚，而奄人勦戚之占闕田爲業者，恐水利興而已失其利，爲蜚語聞於帝。御史王之棟，畿輔人也。遂言水利必不可行，且陳開濬沱不便者十二。帝入其言，欲罪諸建議者。大學士申時行，言墾田興利，而反謂之害民，爲此說者，其故有二：北方民游惰好閒，憚於力作，水田有耕耨之勞，胼胝之苦，不便一也。貴勢有力家，侵占甚多，不待耕作，坐收蘆葦薪芻之利，若開墾成田，歸於

徐貞明雖無  
罪水田事終  
罷

萬曆年間之  
水利  
汪應蛟與畿  
輔水利

業戶，隸於有司，則已利盡失，不便二也。然以國家大計較之，不便者小，而便者大，惟在斟酌地勢，體察人情，沙礫不必盡開，黍麥無煩改作，應用夫役，必官募之，不拂民情，不失地利，乃謀國長策耳。於是貞明得無罪，而水田事終罷。

萬曆三十年，保定巡撫汪應蛟，請大興水利田。初應蛟巡撫天津，見葛沽白塘諸田，盡爲汙萊。詢之土人，咸言斥鹵不可耕。應蛟念地無水則鹹，得水則潤，若營作水田，當必有利。乃募民墾田五十畝，爲水田者十之四，畝收至四五石，田利大興。至是移保定，又疏請廣興水利。言合境內諸川，易水可以溉金台；滹水可以溉恒山；滹水可以溉中山；滹水可以溉襄國；漳水來自鄴下，西門豹嘗用之；瀛海當諸河下流，視江南澤國不異。其他山下之泉，地中之水，所在而有，咸得引以溉田。請通渠築防，量發軍夫，準南方水田之法，行

楊一魁疏稱  
汪應蛟之議  
左光斗謂興  
水利有三因  
十四議

袁黃教資坻  
民種稻

天啟年間之  
水利

之所部六府，可得田數萬頃，歲益穀萬石，畿民從此饒裕，無旱澇之患。即不幸河漕有梗，亦可改折於南，取糴於北。工部尙書楊一魁，亟稱其議。報可。時御史左光斗，出理屯田。亦言北人不知水利，一年而地荒，二年而民徙，三年而地與民盡矣。今欲使旱不爲災，澇不爲害，惟有興水利一法。因條上三因十四議，曰因天之時，因地之利，因人之情。曰議浚川，議疏渠，議引流，議設壩，議建閘，議設陂，議相地，議築塘，議招徠，議擇人，議擇將，議屯兵，議力田設科，議富民拜爵。其法昭然具備。詔悉允行。水利大興，北人始知藝稻。又袁黃，於萬曆時，爲資坻令。開疏沽道，引辱潮流於壺盧等邨，教民種稻。

熹宗天啓元年，川汪應蛟策，令通判盧觀象，管理天津屯田水利。二年張愼言，以鹽水沽等處，爲沃壤之地，惜皆蕪廢；當選各街之屯餘，墾津門之沃

崇禎年間之  
水利

土。命太僕卿董應舉，管天津至山海關屯田，開田十八萬畝，積穀無算。

懷宗崇禎二年，兵部侍郎申用懋，言永平灤河諸水，逶迤寬衍，可疏渠以防旱潦，山陂隙地便栽種，宜令有司相地察源，爲民興利。從之。

## 清之水利

清代講水利者不乏人，水防首推靳輔；水田首推怡親王允祥。茲略擇各人事跡述如下：

胡之俊請興  
江浙水利

胡之俊：爲工部給事中。於順治九年，疏言：方今天下財賦，半出東南，而東南要地，莫如江浙。蘇松嘉湖，地勢汙下，舊劉家河吳淞江等處，海口壅淤，河道成田，土豪占據，水患屢告。請濬吳淞以洩沉澱之水，濬劉河以洩巴陽之水，庶於國計民生有賴。從之。十一年，復責成東南地方官，講求水利。

張惟赤請修  
浙江海塘

張惟赤：官禮科給事中。於順治十六年，請修浙江海鹽縣海塘。

朱之錫陳治  
河十事

朱之錫：順治時，官河道總督。十五年，河決山陽，馳赴清江浦，築創堤以衛之，決口遂塞。宿遷董家口，爲淤沙所閼，別開新河四百丈，於舊渠迤東，以通運道。十六年，條上治河十事：曰歲修夫役，宜存舊額；曰淮工宜酌行民修舊例；曰堤閘宜擇最要者先治；曰柳料宜預爲籌備；曰誤工病民弊端宜嚴剔；曰曠費銀兩宜盤核；曰河工職守宜慎重；曰河官既有專責，不應別膺差委；曰歲終宜察核所屬賢否，分別舉劾以示勸懲；曰黃運二河毗連數省，宜敕各巡撫，共襄河務。如所請行。又以兵船緝夫，有守候越站攘奪奔迫諸苦累，請自今兵船分別征勦駐防，酌定夫額，設官巡察。從之。康熙年間，奏請非奉極要勅旨差遣，不得擅行啓閉運河閘口。之錫死，乾隆年間，封助順永寧侯，春秋致祭。

請定兵船夫  
額設官巡察

請禁擅啟閉  
河閘



靳輔請力行  
溝田

行溝田之四  
利

條上河工事  
宜以因勢力  
導爲主

靳輔：於康熙十年，巡撫安徽。奏言：大江以北，如鳳陽等屬，盡失溝洫之舊，一遇水旱，即成石田；今欲足民，莫如力行溝田之法。溝田者，古井田遺意也。然井田法制繁重，溝田但鑿一溝，修浚甚易。其法以十畝爲畛，二十畛爲一溝，以地三畝有奇，爲二十畛中之經界，二十畝之外，固以深溝。溝道廣丈八尺，溝廣丈二尺，深七尺五寸；開溝之士，即累溝道上，使溝道高於田五尺，溝低於田七尺五寸，視溝道深一丈二尺五寸；澇則以田內之水，車入溝中，旱則以溝中之水，車灌田內。溝田一行，其利有四：水旱不虞，一也。溝洫通而水有所洩，下流不憂驟漲，二也。財賦有所出，三也。經界既正，無隱占包賠之弊，四也。詔下部議行。十六年，授河道總督。泥行千里，相度河勢。謂宜審全局，徹首尾，未可以尺寸治之。遂條上河工事宜，分爲八疏：大略謂事有當師古者，有當酌今者，有當分別先後者，有當一時並舉者，而大旨以

從輔之言開  
引河浚河身  
塞決口築各  
堤壩

于成龍經理  
海口

新輔云疏海  
口不便宜築  
二長堤與于  
龍不合

因勢利導爲主。廷議令量修要害。又疏言：清江口以下不濬築，則黃淮無歸；清江口以上不鑿引河，則淮流不暢；高堰之決口不盡封塞，則淮分而刷河不力，黃必內灌，而下流清水潭亦危。且黃河南岸不堤，則高堰仍有隱憂，北岸不堤，山以東必遭衝潰；故築堤岸，疏下流，塞決口，但有先後，無緩急。今不爲一勞永逸之計，屢築屢圯，勢將何所底止。疏上，雖格於廷議，上特如所請。遂開引河，浚河身，塞決口，築束水堤縷堤格堤減水壩甚夥。時有以時閱三年而功未竟，擬更改輔所行諸法，令輔賠修者，帝卒如輔議，並免賠修。二十四年，請添築各減水閘及堤壩，均從之。會帝命安徽按察使于成龍，經理海口，及下河事宜，聽輔節制。輔疏言：下河低於海潮五尺，疏海口則引潮內侵，大不便。請自高郵城東至海口，築長隄二，束所洩之水入海。隄內涸出田畝，丈量還民。其餘田招民屯墾，以抵經費。而成龍力主開濬海口故道。廷臣議論

杜患於流不  
若杜患於源

不一，乃命尙書薩穆哈等往勘，尋以開海口無益奏。會湯斌奏下河宜疏濬，帝命孫侍郎在豐，往董其事，輔之議遂寢。二十六年，詔詢下河田疇，何策可紓水患。輔疏言杜患於流，不若杜患於源。當自翟家壩至高家堰，築重隄一道，束堰隄減下之水，使北出清口，則洪澤湖水不復東滙下河，其下河十餘萬頃之地，可變成沃壤；而高寶諸湖，儘可涸出田畝數千頃，招人屯墾，可裕河庫；且高堰原爲最險之工，增此則永資保固；洪澤湖廣闊非常，舟行遭風多覆洲；行此隄內之河，避險就夷，有便於商民者甚大。時于成龍巡撫直隸，謂下河宜開，重隄不宜築。總漕慕天顏等，亦與輔議相左。奪輔職。三十一年，復官河道總督，旋卒謚文襄。嘗論古今治河成敗之效，略曰：經生家論河，莫不侈談賈讓之策，其實不然。讓上策欲徙冀州之民，自宋時河徙，已非漢之故道。中策多張水門，旱則開東方下水門，以溉冀州；水則開西方高門，以分河流；不

于成龍謂下  
河宜開重隄  
不宜築

賈讓之說

靳輔專主築堤束水

知黃河所經，卑即淤高，數年之後，水從何放。且禹貢言九澤既陂，所謂陂，即今之隄也。蓋水流甚平，而地勢有高下；使非約之以隄，水經山卑地，能不漫潰乎？讓以繕完故堤，增卑培薄爲下策，是故與禹貢相反矣。故輔治河盡矯讓言，專主築堤束水，績用告成。嗣以輔經理得法，雖後任河臣，互有損益，而規模措置不能易。至開創中河，有功運道民生，尤大且遠。詔贈官予祭，建立專祠。

于成龍與靳輔議工費不合

湯斌雖非水利專家，而其言亦有功於水利。康熙帝南巡，命浚海口，洩積水。于成龍議工費八十餘萬。靳輔議海口沙淤，非起高郵車邏鎮築高隄，束內水高丈餘，不能出海，估費二百七十八萬。帝召輔及成龍面詢，成龍力排輔議；淮南士大夫，懼傷廬墓亦力爭之；乃命尙書薩穆哈，學士穆成格，會斌及總漕徐旭齡合勘，兼問各州縣耆老云何，帝心頗是成龍，廷臣知輔議勢不可行，

湯斌主張開  
濬

欲並罷成龍工役，斌力爭；使者曰：公言吾當奏；既而匿不以聞；及斌內召，帝語及海口，斌對開一丈有一丈之利，一尺有一尺之利。帝愕然曰：爾時胡不言？斌具陳前事，召使者與質對，使者語塞，因遣工部侍郎孫在豐往濬下河，如斌議。

張玉書請增  
建減水壩其  
支河如開音  
布奏永行閉  
塞

張玉書官刑部尙書。康熙二十七年，開音布監都高郵州石工，奏請閉塞支河口，爲中河蓄水；命玉書偕圖納往勘，並徧閱毛城鋪高家堰及海口情形。先是開音布疏劾高郵州河員擅開減水三壩，請議處；比玉書至，即馳奏河員開壩，乃循舊例，無罪。八月還京，疏言：黃河兩岸，出水頗高，年來水大，未曾溢岸，則河身淤塞之說非也。海口岸寬二三里，河流入海，絕無阻滯，諸減水壩，應如舊閉塞；惟中河道，利濟舟楫，得此免涉黃河百八十里之險，殊關緊要。但勢逼近黃河，既不可挑寬，而太狹又不能容納運河及駱馬湖之水。謹按

靳輔請於高家堰增築小堤，玉書謂無益。

張鵬翮請開溜淮套河，張玉書謂不若別作壩。

蕭家渡楊家莊新莊口，有衝決舊河之處；請飭河臣增建減水壩，相時宣洩；則中河舟楫，可以長通；其支河，應如開普布所奏，永行閉塞。奏入；均如所議。旋拜大學士，兼戶部尚書。三十年冬，命閱河工，還朝，繪圖以進。時河臣靳輔，請於高家堰增築小隄。帝問增築小隄有益否？玉書奏言：河湖水漲，即高家堰之大隄且不可保，築小隄何益。又言高家堰一帶河工惟史家刮至周橋，最爲衝要；不急於此處重設堤防，雖多築堤數重無益。度史家刮至周橋，約一萬四百餘丈；請飭河臣迅速加築。帝深以爲然。四十六年河臣張鵬翮，請開溜淮套河。帝以所樹標竿，多屬民家，非掘家不能開溜，極斥其非。玉書奏：向者老人白英，曾有引汶水分南北之議，策之善也。不若別作壩，引汶水通漕；其下流專以淮水敵黃，黃水趨海，此萬世之利也。帝善其言。

李光地：於康熙二十七年，巡撫直隸，盡心於農田水利。二十八年，詔以

李光地奏治漳河之法

漳水與滹沱合，易泛濫；其導漳河由運達海，以分滹沱之勢。光地疏言；漳河現分爲三：一支自大名經魏元城至山東館陶，入衛歸運；一支名老漳河，自山東邱縣經南宮及青縣，與完固口合，至鮑家嘴歸運；一支名小漳河，自邱縣經廣宗鉅鹿合於滹，又經東鹿冀州合於滹沱。由衡水出完固口，復分爲兩支：小支與老漳河合流而歸運；大支經河間大城靜海，入子牙河而歸淀。今入衛之河，與老漳河流弱而淺，宜疏濬；其完固小支，應築堤逼水入河，以達於運；更於靜海閘閘二莊，挑土築隄，束水歸淀，俾無汎濫。報可。次第訖工；因奏霸州永清宛平良鄉固安高陽獻縣，濬新河，占民田百三十九頃，請豁其賦額。從之。三十九年，帝以子牙河屢汎濫，自河間以北，靜海以南，皆被害；遂親臨相視，命光地於獻河兩岸築長堤，西接大城，東接靜海，亘二百餘里；又於廣福樓之焦家口開新河，引水入淀；由是下流益暢，無水災。光地以堤工既成，

霸州等處因  
新河占民田  
豁其賦額

沿子牙河築  
長隄引水入  
淀

引漳灌各水  
辦水田  
修永定河堤  
飭州縣廣興  
水利

請開諸州縣水田，引漳滏漳沱大陸諸水資灌溉；從之。明年，修永定河工，自郭家務自柳垌口，開河築堤。四十一年，飭所屬州縣，廣興水利，近山者導泉通溝，近河者引流釀渠，去水遠者鑿井溉田，其水道宜修濬者，俱借帑興工。奉聖書褒美。

張鵬翮疏陳  
河工十九事

張鵬翮：於康熙三十八年官河道總督。疏請將攔黃壩，照上流河而拆挑，使一律寬深，亟堵馬家港，使水勢不至旁洩。又言清河口爲淮南交匯處，淤成平陸，應於張福口開引河，引清流水入運，使之暢達，庶可敵黃。又言芒稻河兩岸過狹，宜濬使暢流，另建芒稻閘以禦江湖。又鳳凰橋引河，及雙橋灣頭二河，均宜加濬。疏皆下部議行。功成，易攔黃壩名曰大通口。尋疏陳河工十九事：一修工葦柴，多產海濱，舊有運料河久淤，應加濬使轉運。一清水會黃入海，關鍵全在六壩，六壩中又以夏家橋爲最要，應俟水落時堵塞。一高家堰容



納七十二處山河之水，前河臣于成龍，改六壩爲四滾水壩，地勢不遠，宜併爲三，仍鑿引河，並築順水堤，以衛田廬。一自武家墩至小黃河，舊有石堤，宜加高。一古溝至六壩以下，俱係土堤，宜改川石。一清河縣運口至高郵州界首裏河，頻年黃水入運，致河身日高，宜加濬。一高郵寶應江都西岸，堤多被水塌，俟冬期加築。一高郵城南石壩五，改爲滾水壩四，下開引河洩水。一歸仁堤石工應補砌。一自運口至濱海兩岸堤，宜加培高寬。一王家營引河，宜速挑濬。一新中河堤岸單薄，宜完固。一王家營減水壩，宜酌開十丈餘，以洩黃河漫水。一桃源縣南岸土堤，宜加培高厚。一駱馬湖口對岸有竹絡壩節宣黃湖大漲，今黃河身高，水灌駱馬湖口，匯入中河，致屢決，宜堵築以禦黃水。一王家營缺口月堤單薄，宜培修以作正堤。一徐州白楊家樓至段家莊，宜築月城，以作重門之障。一黃運堤岸，有領帑興修者，有捐工興修者，勒限完築。一徐

條奏區畫木石良窳嚴定屬官考課章程  
建磯心石閘  
築束水堤

請築隄利漕運

遵方略治河請加河神封號

開時家馬頭引河

邳睢寧宿遷桃源清河山陽安東等處險工，宜支歲修銀，建埽防護，飭河官於伏秋二汛，晝夜防守。疏入，詔下所部議行。又條奏區畫木石良窳，嚴定屬官考課章程九則。詔嘉其詳悉周備。尋疏請於歸仁堤五堡，建磯心石閘；於引河兩岸，築束水堤，洩歸仁堤之水出黃河，可以衝刷河身，保護田廬。諭嘉其合理。漕艘進口，舊在駱馬湖旁鑿渠名中河，後又改濬新河，淺陋不利舟行。疏請將舊中河築堤一道，改入新中河；則舊河上段，與新河下段，合爲一河，避黃河百八十里之險，於漕運大有益。優旨俞行。尋疏言：臣遵聖授方略，先疏海口，水有歸路，黃水不出岸矣。既挑芒稻河，引湖水入江，高寶等處，水由地中行矣。再開清河，開張福口裴家場引河，淮水有出路矣。加修高家堰，堵塞六壩，逼清水使歸故道，今清水大半入黃，少半入運，一水兩分，若有神助，請加河神封號。又疏請於韓家莊時家馬頭二處，開引河二，使黃流直下，以免

開裴家場引河

衝激。從之。四十年春，疏請於張福口裴家場中間，開大引河一，併力敵黃。

帝嘉鵬翮得治河秘要

開仰家莊引河

開顏家莊引河

開鮑家營引河

蒲泉築隄濟運

若黃水大發，則閉裴家場口門，使清水由文華寺入運河；儻運河水大，山陽一帶，由涇湖二河洩水；寶應一帶，由子嬰溝洩水，俱歸射陽湖入海；高郵一帶，仍由城南柏家墩二大壩洩水；江都一帶，由人字河鳳凰橋等河洩水入江；若遇黃淮並漲，清水由翟家壩天然壩洩水；黃水由王家營減水壩入鹽河，至平望河入海；若漕艘過完，黃水大發，則閉攔黃壩，使不得倒灌；黃水不漲，則堵塞運河頭壩；令清水全入黃河，此古人設天妃閘之意也。疏入，帝嘉其得治河秘要。四十一年，於邵家莊開引河，建草壩，分水勢。又於顏家莊開引河，使水順流。四十四年，增修徐州城外石堤，及山安黃河北岸堤工並建月堤。四十五年，開鮑家營引河。五十八年，汶水旱涸，運道梗，奉命勘視。請疏濬坎河雞爪諸泉，分注南旺濟運，而於彭口築堤，障沙水入微山湖。從之。又因河決

陳引沁入運  
利害

武陟，往查勘。備陳引沁入運利害。謂地勢西北高而東南下，若引沁從高直下，而黃河躡其後，患且劇。山東運道，有沙河馬場等湖及諸山泉，本可濟運；祇因湖堤殘缺，民間竊種湖旁地，致諸泉壅塞，爲漕艘患。今已築堤蓄水疏泉，運道自可通利。優旨俞行，不許稍有更改。聖祖仁皇帝諭閣臣曰：張鵬翮白到河工，在署之日少，每日乘馬巡視堤岸，不憚勞苦，朕深知之。其盡心水利，可想見矣。

陳銑請復天  
妃閘舊制使  
淮水易以敵  
黃

陳銑：於康熙年間，疏論河務。謂黃淮自古不兩行；助黃刷沙之清水，亦不宜分。洩黃水，塞清水，不過一時之異，漲稍平，即可暢流。清水旁分則流弱，黃水灌入，淤沙愈積愈高。邇者修歸仁堤，開胡家溝，以出睢湖之水；開六壩，培築高家堰，以出洪澤湖之水；此直借淮敵黃，一定不易之經。然淮水分入運河者多，則敵黃仍弱。舊說天妃閘離淮黃交會處二百餘丈，南至清江浦

，共有五閘，重運到時，更迭啓閉，重運一過，即下板鎖斷，官民船概用車盤，是以淮之全力，俱注於黃；其引入運河者，不過暫時資其濟運耳。自改建草壩之後，無復閘板啓閉，淮黃盡趨運河，清江浦民居可危。宜復天妃閘舊制，使淮水易以敵黃，此目前之急務也。事下總河張鵬翮酌行。

張伯行家居  
率民築隄保  
境

張伯行：初官內閣中書。康熙三十八年夏，大水。伯行時家居，率居民築堤保境。旋赴河工，督修黃河南岸堤二百餘里，及馬家港東壩，高家堰石工。四十二年，授山東濟寧道。四十五年，帝遣近臣封開催漕，諭曰：濟寧道張伯行，諳曉河務，可與商榷。伯行相高下，引運河水北注，蓄洩得宜。事竣，著書紀其事，即世所行居濟一得也。

張伯行著居  
濟一得

監理開天津  
稻田

監理：於康熙四十二年，鎮天津。以畿輔產米無多，而天津一望皆平原，可開河引水灌稻田。乃躬率兵士墾墾，得水田數百頃，歲收豐稔。帝悉以賜之。

，賜名藍田，爲世業。理之開田也，河渠汙岸，週數十里，召浙閩農人數十家，分課耕種，每田一頃，用水車四部，秋收畝三四石不等。

陳鵬年治馬營口

陳鵬年：於康熙六十年，命以道員隨張鵬翮視南北河堤，遂留河工。是年秋，河決武陟馬營口。鵬年請從決口上流對岸廣武山下，別開引河殺水勢；得旨俞允。尋署河督。明年，馬營口再決。請於王家溝再開引河，使水趨東南，入榮澤；報可。未幾兼攝漕督。時漕渠歲淤，遣幹吏直溯淮源，疏其上流，使清水暢達。雍正初，實授河督。日夜宿堤上，往來風雪中，遂致疾而卒。

齊蘇勒築挑水壩

齊蘇勒：以內務府主事，出任永定河分司。康熙四十二年，奉諭往烟墩九里岡龍窩三處，築挑水壩數座。尋遷侍講祭酒，仍管永定河分司事。奉命同副御史牛鈕，監修河南武陟等縣決口堤工。蘇勒奏：自沁河堤頭至榮澤縣大堤十八里平衍處，接築遙堤，使全河水歸一道，專力刷深，不致旁溢。六十一年冬

修武陟等縣決口

阻在馬營口  
挑引河

防刷損陽武  
等縣黃河岸  
大隄  
奏陳山東諸  
湖蓄洩辦法  
以利漕運

修清口兩岸  
大壩

，授山東按察使，兼理運河事；命先往黃河籌辦堤工。時河南巡撫楊宗義，奏請於馬營口南舊有河形處，挑引河。蘇勒同河督陳鵬年，疏言：「河不兩行，此洩則彼淤，有必然之勢，馬營口甫經築堤，若開引河，有旁洩侵堤之慮；事遂寢。雍正元年，授河督。疏言：陽武祥符商邱界黃河岸，有支流一，逼堤繞行四十餘里，不急爲截斷，恐刷損大堤。已築壩堵絕，並接築子堤九千二百八十八丈，隔堤七百八十丈。會奉詔豫籌山東諸湖蓄洩事宜，以利漕運。疏言：山東等湖，皆運道所資以蓄洩，昔人名曰水櫃，因土民乘涸佔種，漸至狹小。宜乘湖水稍落時，除墾熟田畝外，丈量立界，嚴禁侵佔，設法蓄水。如遇運河水漲，引駐湖中，相平即築堰截堵；遇運河水淺，則引之從高下注。其諸湖或應築堤栽樹，或應開啓閉，令各州縣循例辦理，則運道深通，漕無阻滯之虞矣。八月，奏言洪澤湖水微弱，黃水有倒灌之勢；築清口兩岸大壩，束清水以抵黃

河。現今淮水暢流，惟此壩在洪濤大溜中，兩面受敵，必須加意修防。因多備埽料椿繩等項，如遇湖漲，壩工稍有墊陷，即下埽搶護；遇黃漲，即駕小舟往來疏濬，不令少停。時淮陽運河，淤墊年久，水高於城。廣西巡撫李紱，請於運河之西，另挑新河，以所挑之土築西堤，而以舊河身爲東堤，則東西永無潰決之患。蘇勒奏言：糜帑過鉅，功終難就。詔同總督田文鏡察視。蘇勒奏言：

因李紱請挑  
新河條陳引  
河迎溜之法

挑挖引河。必須上口正對頂衝，而下口有建瓴之勢，方可吸引大溜，歸入新河，借其水力滌刷寬深。嵇曾筠所挖引河，工已將竣；臣往看上口之地勢，與現在水向，不甚相對；改挖上首三十餘丈，以對頂衝，以迎大溜。又往對岸指示建築挑水壩，挑溜順行，以對引河之口，候水漲時，相機開放；庶河勢得以直暢東注，而南岸堤根，可保無虞。奏至，諭爲得法。七月，奏言洪澤湖滾水石壩，舊立門檻太高，不能隨勢洩水；請用儀器測度地勢，改落石壩門檻，庶全

請改落洪澤  
湖石壩門檻



糧餉備治河  
物料  
在沮洳之地  
種草

疏瓜州運道  
堵新開河道

蔣廷錫請通  
源節流以濟  
運道

朱軾請海塘  
易石用健挑  
湖中小壘上  
虞蓋山土築  
宜改用石

湖宣防有賴。又奏言：治河物料用葦柳，而柳爲尤；柳多則工堅帑省，柳少則用葦多而工不固。臣飭道廳及營弁，各於空閒地栽種柳秧，據報成活八十九萬二千餘株。又山東江南蓄水沮洳之地，令廳員買葦根試種；近據報微山湖種葦八頃餘，已有成效。應請勅部酌定，嗣後凡種柳八千，種葦二頃者，各予紀錄一次，並責成汛弁培養補植。並得旨允行。任河督七年，疏復瓜州花園港運道，建閘啓閉，以順水勢；堵瓜州城西新開河道，以免江水逼城；民尤德之。

蔣廷錫：官大學士，疏言：漕運全資水利，宜通源節流，以濟運道。曰濬泉源，曰開湖地，曰嚴築壩，曰修築坎河灘壩。詔議行之。

朱軾：於康熙年間，巡撫浙江。浙西數百里，藉海塘爲捍蔽，時築時圯。軾疏陳海寧老鹽倉等處，宜易石用健。又海潮北向者，曰北大壘，南向者曰南大壘，南北兩山間，曰中小壘。海潮向由中小壘入江，則兩岸皆無恙。今中小

輟竟成陸地，宜挑濬。又上虞蓋山土塘，宜改用石，條列以聞。皆報可。

怡親王允祥  
與辦直隸水利

怡親王允祥：於雍正初年，會同大學士朱軾，察勘直隸水利，繪圖進呈。

募江浙老農  
課導耕種

立四營田局

四年，設營田水利府，以怡親王等董其事。初於灤州玉田諸州縣，濬流築圩，建閘開渠，皆官爲經理。民人願耕者，官給帑銀，以爲工本。秋成時，歲收十分之一，足額而止。募江浙老農，課導耕種之法。有力之家，率先遵奉者，以圩田多寡，分別獎賞。其疏濬圩岸，以及瀦水節水引水厚水之法，各因地勢次第興修。所需農具水車等，募江浙工匠，如式製造，課本地工人習之。是秋田之成熟者，凡百五十頃有奇。而民間自行播種者，若霸州文安大城保定新城安肅任邱，共七百一十四頃有奇。五年，分立營田四局。一曰京東局。轄豐潤玉田薊州寶坻平谷武清灤州遷安，自白河以東，凡可營田者，咸隸焉。一曰京西局。轄宛平涿州房山涞水慶都唐縣安肅新安霸州任邱行唐新樂滿城，自苑口以

營田局委員  
及地方官之  
職務

營成水田六  
千餘頃

顧琮稱數畝  
隸水田

設營田觀察  
使

西，凡可營田者，咸隸焉。一曰京南局。轄正定平山井陘邢台沙河南和磁州永年平鄉任縣，自滹沱以西，凡可營田者，咸隸焉。一曰天津局。轄天津靜海滄州，暨興國富二場，自苑口以東，凡可營田者，咸隸焉。局各有長，有副，有効力委員。凡相度估料，開築建造，皆委員與地方官偕。而查報地數花名，給發工本，則專責之地方官。水田既成，令地方官遵前規，而以時達之水利營田府。自五年設局，至七年，營成水田六千頃有奇。

顧琮：於雍正九年，官太僕寺卿，稽覈直隸水田。除距水稍遠，地勢稍高，須車戽而升者，聽民隨便種植外；其水足地平，無須汲升之處，令地方官具永遠可爲水田結狀，呈報戶部；荒廢者，如例議處。又議設營田觀察使二員，分轄京東西，督率州縣營治可田地畝，無力者貸以牛種，秋收扣還。設副使二員，出資經理，以爲民倡。所有舊田圍渠閘洞，時加修治，毋致廢壞。十一年

請增設直隸  
河官  
天津清河二  
道預辦搶修  
物料撥大名  
道歲修銀  
陳海塘善後  
事宜  
陳興濟提地  
兩減河善後  
事宜

請會筠援例  
請冬季領帑  
備黃河兩岸  
工料

請於姚期營  
一帶開引河  
建壩

，授直隸總河。明年，奏報永定河口久淤，正議挑濬，仰蒙天賜引河二十餘里，顯著嘉祥。論虔誠展祀，以答靈貺。又言直隸河道紛歧，廳員應改撥就近管轄，並於要處增河官八缺，以專責成。至天津清河二道，向無搶修物料；請照通定通永二道例，酌工程險易，預爲採辦。大名道無歲修銀，亦請於清河道庫撥用。均下部議行。乾隆元年，署江蘇巡撫，條奏海塘善後事宜六則。二年七月，永定河隄決，命偕李衛等搶修，送署河督。明年十月，授河督。五年，疏陳青縣之興濟，滄州之捷地兩減河，善後事宜六則，皆議行。

嵇曾筠：於雍正元年，典河南鄉試。會河決中牟，詔往督築。尋奏漫口皆合龍。向例江南河廳，每歲冬，領帑購料備用。曾筠疏請豫省黃河兩岸工料，亦照此例，庶險工不至遲誤。下部議行。又疏言：沁黃交匯之姚期營秦家廠一帶，皆頂衝；請於對面橫濶開引河一道，俾水勢順流，由西北逕達東南，再釘

請修兩岸堤工

請於鄭州等處下埽加銷

請復建開閘渠引水灌田故跡

船幫大壩，宜鑲建雁翅培護，更於大壩上下，酌建挑水壩數座，以減頂衝之勢。詔如所請。又言兩岸堤工，在在危險，臣與總河齊蘇勒，勘明最險應修處，共十二萬三千七百九十六丈，請動帑興工。從之。是年，授河南副總河。疏言：鄭州大堤石家橋迤東一帶，大溜南趨，應於迎溜處下埽簽樁，復於埽灣處建壩；一中牟之拉牌寨，黃流逼射，應下護岸埽加工鑲墊，建挑水壩二；其穆家樓堤工坐當頂處，亦應下埽加鑲；又陽武縣黃河北岸祥符縣珠水牛趙二處堤工，近因南岸新長淤灘大溜北趨，成頂衝勢，應加鑲墊以資鞏固。部議均如所請。又言小舟河自辛勾口至河內縣清化鎮水口二十餘里，輝縣五閘，安陽縣之萬金渠及恒河閘，昔人建閘開渠，引水灌田，照官三民一之法，以通漕利民；但日久弊生，守口之夫，違禁賣水，致運河淺澀。請嚴飭所司稽查，三日放水濟漕，一日塞口灌田，其盜賣者嚴治。下部議行。丁母憂，仍命管理總河印務。

在東河時建  
壩濟漕運

條奏河工六  
事

請於蘭陽祥  
符儀封等處

高宗御極，特命總理浙江海塘工程。曾筠在官，視國事如家事，冒風雨寒暑走河干，不遑食息。其在東河也：疏言祥符縣南岸回回寨對面淤灘，直出河心，致河勢南趨，幾逼省城，關係甚重；應由北岸舊河身，濬引河道，引溜直行，俾成東西之勢；並於南岸建挑水壩，逼流入引河；又請於汲縣湯陰內黃等處，築草壩二十有六，直隸大名縣張兒莊，亦建草壩，首尾銜接，以濟漕運。又條奏河工六事：一現存柳園，宜勘明立界，飭河員廣種。一印官河官，均請令河臣撫臣，會同保題陞調。一豫工向撥江南河兵千名，不敷驅策，請仍照千名之數，於堡夫內拔補足額。一豫省大堤，每二里設堡房一，令一堡夫居之，修墊水溝，巡查鼠穴，今臨河月堤，請一律照辦。一祥符縣堤長八十里，止一管河縣丞，請增主簿一，開封下北河地方，請增巡檢二。一自武陟至虞城，請照江南汎船例，每汎造船五艘運料。又言蘭陽縣管梁耿蔡四水口一帶堤工，河勢衝

或築隄或開引河

在南河請修高堰及洮水石工

請芒稻河工歸官轄

請飭堡夫河兵按時積土

修開濬河利漕運

嘴，請下埭加鑊，並築月堤作重障。又言祥符南岸程家寨等處，應築月堤，其陳留縣七八九等堡大堤，汎水直射堤根，宜培築。又言儀封北岸水勢衝急，雷家寺灘岸刷成支河，請將舊堤加厚，接築土壩，跨斷支河，勿令掣溜侵堤；其青龍岡一帶，請乘勢開引河一道，導水東行，則大河之水自暢。又奏開黃河北岸荊隆口引河，計三千三百五十丈有奇。其在南河也；疏言高堰山盱石工最要，請發帑增修，爲久遠計。又言沛水源長性猛，請於現在竹絡壩外，建石工六百餘丈，其流河口，則大加挑濬，順其入海之路。又言揚州府屬芒稻河工，向係商人捐築多草，請歸官轄，並設閘官司啓閉。又言河設堡夫挑積土牛，原資修補堤工之用，請飭所司，逐堡核查，按月挑積；其河兵於霜降後，亦如法挑積，各列入交代冊，以專責成。又葦蕩營所產薪芻，請立限價運交工濟用。又奏增築海口月堤及閘座。又請修清江之龍汪閘，並濬鳳陽廠引河，利漕運。其

在浙江疏陳  
江海形勢

樂淳河石塘  
修築清堤

曾筠用引河  
殺險之法

嵇璜幼讀禹  
貢有悟

言淮陽運河  
趨海爲便

奏湖河源流  
分合設壩放  
淤諸務  
在商邱五堡  
初戛戠之先  
見

在浙江也：疏言江海形勢，南坍則北漲，今東南兩塘根，俱漲有護沙，應建魚鱗石塘，以期一勞永逸；其海寧迤西翁家埠一帶柴草工程，亦加鑲高厚。又請於嚴州所屬之淳河兩岸，築石壩八十五丈，以衛田廬。又言樂清縣海堤缺坍，宜修築。疏上，皆議行。蓋曾筠之治水，累用引河殺險之法，所請無不立行，故易奏效。曾筠之子璜九歲，讀禹貢，恍然曰：禹之治水，皆自下而上，蓋下流宜通，則水自順流而下。長老咸驚異之曰：此子他日必爲名臣，能宣汾洮而障大澤者也。乾隆二十二年，授江南副總河。疏言：淮揚運河，自邵伯以北者皆歸海，邵伯以南者皆歸江，多一分入江之路，即少一分歸海之水；歸海路近，歸江路遠，宜開引河，改曲爲直，今趨海爲便。又奏湖河源流分合設壩放淤諸務，尤詳核。後官總河，裁壩夫，栽堤柳，除墊崖貼坡諸弊。偶巡河至商邱五堡，命幫裏戠十丈，衆不喻其意。俄而節過白露，河官皆慶安瀾；璜尙詣工



孫嘉淦與水利之奏議

親勘，行至半途，飛騎報大堤壅塌八丈，幸有新鑲裹戩，藉資保衛；衆始歎服璜之深識遠慮。

孫嘉淦：官吏部尙書時，奏引水溉田，共開渠五百八十有奇，使溝水通道，道水通河，河水通淀，水害去而水利以興。

陳宏謀在天津得放淤之法在陝西鑿井造水車通陝西水路

陳宏謀：在天津時，常乘小舟咨訪水利，得放淤之法。凡汎水盛漲，多挾

在河南時疏濬巴溝

在湖南時禁民墾水爲田

沙而行，導之從堤左入堤右出，沙沉土高，滄景諸州，悉成沃壤。在陝西時，鑿井二萬八千八百有奇。造水車，教民戽水之法，旱歲得資灌溉。陝無水路，惟商州龍駒寨通漢江，灘險，僅行小舟；經宏謀疏鑿，遂成康莊。在河南時，歸德地窪下，與宿遷爲鄰，故有巴溝以通下流，久之淤塞；宏謀加疏濬，歸德賴之。在湖南時，禁洞庭濱湖民墾水爲田，以寬湖流，使水不爲患。其治南河，大要因其故道，開通淤淺，俾入海迅速。其支河督民各開小溝，以達於幹河

在南河開淤  
開溝築月種  
蘆葦

在蘇州議疏  
洩防禦

時其善洩。徐海諸州多棄地，遇雨輒淫溢。河既濬，水有所歸，令民以開溝之土築圩閘，悉成腴田；中設涵洞，爲旱潦備。其窪地令改種蘆葦，蠲其賦。其在蘇州，疏排六塘河之丁家溝；展寬邵伯之金灣壩；又議開徐六涇白茆口以洩太湖；築崇明土塘以禦海；開各屬城河以通渠，皆利民之大者。

尹繼善力言  
天然壩不可  
開駁李衛之  
說

修鳳翔泗田  
間之水道圩  
塍

請將銅浦等  
地河曲處挑

尹繼善：督南河時，帝命開天然壩，繼善不可，力言天然壩與毛城舖及高郵三壩，均官仍舊，疏凡數千言。適浙督李衛入覲，過清江，傳旨嚴飭，且云衛已奏明黃水小，開固無妨。繼善覆奏，李衛不問河身之淺深，而但問河水之大小，非知河者也；倘河淺壩開，宣流太過，則湖水之弱，不敵黃水之強。疏入帝喜，撤御衣賜之。乾隆十二年，疏言上江鳳翔泗三屬，頻遭水患，現在河渠次第開濬，而田間水道圩塍，實與水利相表裏，宜陸續興修，於水利善後之圖，多所裨益。疏入報可。十九年，疏言銅浦隄邵宿虹，河道多紆曲，淤成大

宜並開引田

灘，日淤日積，宜於曲處挑直，開浚引河，溜導歸中央，借水刷沙，省兩岸堤埝費，並免偏溜偏趨。詔如議行。

劉統勳察河  
工主張開引  
河置壩閘

劉統勳：於乾隆二十一年，奉命勘銅山縣孫家集漫工。疏言：孫家集向無堤工，例於秋汛後，補築水衝溝渠。今兩年未築，致成渠分溜。詔以統勳署總河。二十三年，統勳遷吏部尚書，勘徐州黃河北岸。請置亂石壩，洩漲衛田。二十六年，拜東閣大學士，偕兆惠查勘河南楊橋漫工，開引河九百三十六丈。二十七年，高宗南巡，以高寶河湖入江之路未暢，詔統勳偕兆惠往勘。合疏言：金灣壩地居上游，滾壩僅寬十五丈，未能暢達，請將新挑引河展寬，使有建瓴之勢；鹽河北閘，爲鹽運要津，應自中間迤南，改建石壩六十丈，將閘下土堤接築加長，並挑引渠，以順水勢；其西灣滾壩，照東灣一體落低，並於西灣河頭，酌濬寬深。得旨允行。是年，直隸景州水。命查勘德州運河。疏言：自臨

請將德州州判移駐邊陵鎮

劉統勳察視楊橋漫工儘備芻蕘之軼事

潘思榮奏調刑災區三事

清迤北，惟藉四女寺哨馬營兩壩宣洩；但兩壩支河，俱會老黃河故道入海，袤延三百餘里，居民於淤灘種植，河身易致淤塞；請將德州州判，移駐兩支河交匯之邊陵鎮，專司河捕。三十三年，統勳已充上書房總師傅，命往江南，勘定清口疏濬事宜。明年復勘濬運河。統勳之出視楊橋漫工也：屬工以芻蕘不給爲辭，月餘，尙無端緒。統勳忽微行，見大小車載芻蕘，凡數百輛，皆弛裝困臥，有泣者；統勳問之父老，皆言奉示運糶料赴工，縣丞某索賄乃取，貧不能具賄，遂弛置河干，欲歸不能；統勳歸縛縣丞至，杖而荷校以徇，薪芻數百車，一夕收立盡；逾月，工遂竟。

潘思榮：於乾隆年間，官安徽巡撫。當河決淮邇之後，鳳穎泗皆災。奏調刑災區三事：曰勸課農桑；曰疏濬溝洫；曰稽核流移。略言鳳穎等處，民情窳惰，不知耨鋤培壅之法，宜令州縣隨地董勸，即以地方民情之勤惰，定有司之

分各屬地爲  
岡地湖地灣  
地三等

爲政以水利  
爲農田之本  
請治南湖鑑  
湖各工程以  
還權中輟

修築東湖等  
處淤田之成  
績

考成。至各屬地分三等：一爲岡地，最高；一爲湖地，稍低；一爲灣地，最下。灣地被水，非人力可施；湖地外仰中窪，下游濬渠疏洩，即可涸出栽種；岡地水雖不及，而陂塘未築，輒苦旱乾；如壽州之安豐塘，懷遠之郭陂塘，鳳陽之六塘，均宜及時修築。上年賑濟，動帑百餘萬金，若平時酌動數百金，陸續修浚，民間減一分荒歉，即多一分收成，朝廷亦省一分帑項；縱遇偏災，亦可以工代賑，一舉兩得。疏入，詔嘉許之。其歷官各省，均注重水利，謂爲政以水利爲農田之本。嘗奏請大治餘杭之南湖，會稽之鑑湖，上虞之夏蓋湖，餘姚之汝化湖，慈溪之慈湖，以及皖北之安豐郭坡等塘，滄渦淝菱茨沙等河，修復舊堤岸，禁奸民之墾佔貽害者，繪圖鳩工，皆以還權中輟，居平常以爲憾。惟修築寧德之東湖，墾良田萬畝；及福州城外之西湖，築堤千三百丈，建閘二，溉田數千頃；又親勘福清之郎官港法海埔，招墾海灘淤地，法海得地千三百餘

畝，卽官港得地八百餘畝。

楊錫紱疏河  
通漕  
在肇羅道任  
及在湖南治  
水之成績

楊錫紱：於乾隆中葉，官漕督。十二年，慮運河阻滯，時與河臣協謀疏浚，以時蓄洩，故通疏無窒。其歷官各省也，汲汲以興水利爲事。在肇羅道任，歲巡視瀕海田，修築圍基，終其任無水患。在湖南日，以各省水利久廢，愚民不知遠慮，數尺之塘，往往培土爲田，一遇旱乾，即地膏腴都成棄壤，請飭各省督撫，凡有開塘處所，嚴禁改墾。詔從之。

胡寶瑑在河  
南開支幹河  
皆順水道之  
自然

胡寶瑑：於乾隆二十二年，巡撫河南，適大水，奉命開濬水道，工賑並舉，所開支幹河，凡六十有七，計二千五百餘里，皆因自然之勢，分入江南濰澗諸水。次年，河決楊橋，復召寶瑑巡撫河南。時決口數百丈未合，開引河，築壩束水，需芻薪之屬數千百萬，日役數萬人，以次徵發，受傭者皆立與值，民不知擾，水落田出，民借種以播菽麥。次年，皆大熟。

開引河築壩  
民不知擾

方觀承丈浙  
江海塘地召  
民認墾

請就永定河  
之北大堤改  
移下口

復永定河故  
道  
對於冰窖減  
水壩之奏議

方觀承：於乾隆十三年，巡撫浙江。時海塘引河，改由中小壘安流，其北大壘以北，沙漲如平地。觀承沿塘查勘，丈出地三十五萬四千八百餘畝，民墾五千七百五十戶，凡認墾者，皆編列字號，分年陞科，歲徵雜糧十萬石，小民咸資生業。旋擢直隸總督，兼理河道。疏請就永定河之北大堤，改移下口，庶水由地中，暢下無阻。明年，高宗親閱永定河堤，諭觀承以下口宜暢。六月，永定河南岸淤溝奪溜，乃堵築偪歸引河復故道。又疏言：上年增築冰窖減水壩，貼近永定河下口；近因水大，全河於此掣潤，冰窖以上，河身吸刷深通，較冰窖以下河身，驟低至五六尺，其水仍出金門，而壩臺並未衝刷，至三十里外，即已澄清，徑出坦坡埝，汪爾淀一帶，並無淤墊之虞；請於坦坡埝尾東北，斜穿三角淀，開引河，歸入葉淀，由鳳河轉輸入大清河。疏下廷議，令詳查再議，觀承持前議益堅。謂地勢人事天時皆順，敢以必應改移請。諭舒赫德顧琮

爲澇水去路

疏奇村河溉  
稻田通商船  
請於永定河  
北岸六工尾  
開堤放水

會勘，如觀承議。是歲黃河自陽武灌入東明長垣，衝開月堤，有旨命觀承勘。觀承疏言東明長垣，其地南高北下，河南陽武等縣之澇水，北注長垣，向賴太行古隄捍衛；嗣因隄被水蝕，隄西澇水匯至，致被衝塌；今宜爲澇水等去路，請開引河，導入舊河，使容納東注，即將所起土，自隄西村起，另築新堤，則堤外有河以疏澇水，河內有堤以防漫溢，事半功倍。詔如所議行。尋疏陳濬治滿城縣之奇村河，可溉稻田數千頃，商船亦可通行，得旨嘉獎。十八年，疏言永定河下口形勢，變遷靡常，請於北岸六工尾，開堤放水，作爲下口，至五道口東南，導歸沙家淀，仍由鳳河入大清河。廷議以甫自南岸冰窖改移下口，何又有此奏，請據實復奏，觀承持前議益堅，特旨允行。二十一年，由陝甘總督，回直隸任。明年八月，帝以糧艘遲緩，命即在天津交兌，俾及早回南，免誤明年漕運。又奏天津北倉，可貯糧三十萬石，添設蓆團，可貯十數萬石，臣



定漕船交兌之法

請將永定河堤內外地留爲種柳取土用外給民領種

請各幫報船以剝爲截

歸還賑於工

開安國河概田

飭辦葦席二萬片應用，事竣仍可變價歸款；至交兌之船，悉令泊北倉以南，起剝之船，悉泊北倉以北，北倉東岸釘樁立界，每二里泊船一起，同時起米，不相妨碍，西岸留爲河道，令空船行走，仍令各船並進，毋拘銜尾常例，以期迅速抵津。得旨嘉允。又請於永定河淤灘地堤內外，共留十丈，爲種柳取土之用，餘撥給守堤貧民領種。從之。二十四年四月，帝以北運河水勢微弱，命將先到糧艘，截留四十萬石，貯天津北倉，將來水長，續到之船，令其直抵通倉。觀承疏請就先到各幫內每艘令酌剝若干，即爲輕便，各按應剝之數，截留北倉，餘仍抵通交納，以剝爲截，則應截者一律均勻。諭如議行。二十七年，奏請寓賑於工，凡河渠堤埝，及各處之減河疊道等，概加修築。得旨俞行。先是易州城北，有安國河，觀承奏允開渠灌田，鑿子渠建大小閘，以時啓閉；渠成賜名安河。二十八年，疏言直隸水道溝洫，自大興宛平，東至撫寧，西至易涿，

聯直隸溝渠  
爲一氣  
改永定河  
葦地種禾

方觀承與水  
利多得諸方  
苞

莊有恭請修  
太倉鎮洋海  
堤

修理錢塘江  
入海處

西南至望都，東南至阜城，又運河自武清至吳橋，共二十二州縣，疊道開渠一律完竣。諭曰：溝渠即河道之脈絡也，應聯爲一氣，方得宣洩之宜。三十年，奏永定河葦地，已成高灘，請改種禾納租。從之。觀承自爲清河道，至爲直隸總督，皆掌治河。洞澈地勢，相時決機，前後數十疏，從之輒利。以政養民，故尤盡心於農田水利，及溝洫倉儲諸務。所行以工代賑，及周官溝洫之法，得諸方苞之緒論爲多。蓋觀承籍隸安徽桐城，方苞之族也。

莊有恭：於乾隆年間，巡撫江蘇。疏言：太倉鎮沿洋海田廬，全賴海堤保障。雍正十年，築土塘三萬四千七百餘丈，時因經費不充，僅於沿邊頂衝處修築，餘多未辦。邇因東北風潮，損傷堤岸，居民自請挑築，請酌借庫銀萬六千兩，交紳士，自募夫役接築土塘九千四百七十餘丈，務令汎前告竣，所借銀按畝扣輸，二年即可完欸。得旨俞行。及巡撫浙江時，錢塘江入海之處有三處，

用前人竹絡  
法衛塘根

遣官按行三  
江故道

建議大興三  
江水利

曰南大壘，曰中小壘，曰北大壘；乙丑以後，水行中壘者十餘年。已卯歲，改趨北大壘。有恭承詔抵海寧，閱柴石塘，登尖山渡江歷勘，以加築土堰添建壘水爲請。旣而水勢直趨塘根，以預備無患。又奏復海塘兵弁，專司負薪運土甃石，省民夫無算。海寧之老鹽倉，向以土活沙浮，祇立柴塘；壬午歲，高宗南巡，議改石塘，命劉統勳與有恭往勘。果以活沙不能立椿，帝復親臨指示形勢，令修柴塘，增以水加薪價。有恭承命鳩工庀材，又用前人竹絡法，編竹爲篁，實以巨石，鱗次櫛比，以衛塘根；其秋風潮大作，石塘間有崩裂，而柴塘獨無恙，有恭之力也。時秋霖水漲，有恭親往嘉湖二郡察勘，知水歸太湖之道多淤，而太湖下流，亦多壅淤；因浚烏程長興境內七十二澮，並遣官至江南，按行三江故道。疏入，尋奉移撫江蘇之命，有恭親往尋脈絡，得其要領，建議大修三江水利。疏略云：太湖北受荊溪百瀆，南受天目之水，爲吳中巨浸而分疏

修治三江之法

之大幹，則以三江爲要；三江者，吳淞江、婁江、東江也。東江自宋已湮，明永樂間，別開黃浦，寬廣足當三江之一，今亦謂之東江。三江分流，經吳江、震澤、吳元和、崑山、新陽、青浦、華亭、上海、鎮洋、嘉定十二州縣，港浦縱橫，湖蕩參錯，其出水之口，不特寶帶橋一處，如吳江之十六港、十七橋，吳縣之鮎魚口、大關口，爲湖水穿運河入江之要道，今皆淺沮。又如吳淞之龐山湖、大斜港、九里湖、澱山湖、溱浦，邇因小民貪利，徧植菱蘆，圍築魚蕩，亦多侵占。劉河，古婁江也，今河大非昔比，往往艫舟待湖，崑山外壕，爲婁江正道，淺狹特甚，蘇州婁門外，江面僅寬四五丈，偶遇秋霖，上游輒淹漫，若及早治之，事半而功則倍。法當於運河以西，凡太湖出水之口，皆爲清釐占塞；其運河以東，三江故道，惟黃浦見尙深通；其吳淞江自龐山湖以下，婁江自婁門以下，均宜浚治寬深；其植蘆插斷，及占冒之區，盡數剷除，此後仍嚴爲之禁；即以潞河之土，加培圩岸，

編竹簍寶石  
護塘根

裘曰修察各  
州縣積水諸  
逐段開濬

庶渾潮不入，清水日強，而海口之淤，亦將不挑而自去。請先動帑興工，仍於各州縣分年按畝徵還，則民力紆而工可速集。疏入，詔可。工始於癸未十二月，至甲申三月告成，凡用白金二十二萬有奇。有恭再撫蘇，有旨仍兼理浙江海塘。先後增築魚鱗石塘二百七十丈，其淞江大倉沿海土塘，居什之八九，有恭請如浙塘法，編竹簍寶石護塘根，以禦海潮。有恭之盡心於水利海塘，其大者如此。

裘曰修：官工部侍郎。乾隆二十二年，命馳驛前往山東河南上江現在積水各州縣，熟察情形，通盤籌畫。曰修疏請將靈璧之斗溝拖尾河沱河，虹縣之苟家溝岳家河潼河，一律疏濬；至董家溝在宿遷境內，安河界桃源泗宿三州縣間，皆已淤淺，其金鎖鎮田家集劉李埂陡門等處，上下八十里，爲入洪澤湖咽喉，皆宜逐段開濬；必此處較上游深通，而後濰河等水，可以順流直下；惟下游

請於毫穎一帶先開幹河，繼開支河，繼開溝洫。

之水，復有下游，洪澤一湖，以清口爲出路，前已奉旨將草壩拆卸，以暢其流；但每歲須應期開放，庶不至壅闕於一時。得旨嘉獎。又疏言：穎毫一帶，必東而及東南面，去路無阻，然後中州諸水，可得而治。宜先開幹河，繼開支河，繼開溝洫。其東面之幹河，在商邱爲豐樂河，在夏邑爲响河，在永城爲巴河；東南面之幹河，以大沙河爲最，即古潁水，次則開封之賈魯河，即古汴水，均宜一律挑濬。此外如永城之漕溝，夏邑之毛家河，小引溝，觀音閣引河，白河，三岔河，虞城之惠民溝，商邱之北沙河，大湖溝，鹿邑之清水河，汝寧之洪河，汝河，宜偏加疏濬，一律通流。由引河以達支河，由支河以達幹河，其不能歸河者，於田間多作溝渠導引，或窪地聽爲澤藪，庶不至漫溢。得旨如議速行。又疏言：館陶臨濟等州縣，濱河兩岸民埝，向係民築民修，請照直隸永定河工例，每天口給升斗，責成地方官，督令修補。從之。又言山東水道疏濬，

館陶等縣民埝請官督修

兗州曹州水道之疏濬法

兗州爲要，曹州次之。前已奏開伊家河，今復將原估十丈河頭，再展寬數丈，使微山湖建領而下；則濟寧魚台滕嶧，以及江南之豐沛二縣，地畝可普行涸出。至水消後，再有當治者，就兗州言之：魚台有舊運河，界微山湖西面，上接濟寧之牛頭河，金鄉之溧河，柳林河，應一律挑濬。又泗河自濟寧姚安莊以下，河身愈狹，白馬河中段之董家口，與泗河相接，應將二河之尾段挑濬。至府河爲泗水分支，宜將涵洞改建水閘，其楊家壩亦改建石閘。又濟寧之興文鎮，舊有河形，宜挑濬，以洩光河盛漲。就曹州言之：則應分二道，西南之太行堤畔，舊有順堤河，今多淤墊，宜疏濬。東北則現於八里廟增連滾壩當沙趙二河之衝，於地勢最爲扼要。又沂水流入江南之路馬湖，見多淤塞，應一併疏通，以除水患。諭令速辦。又奏山東運河情形：言南旺舊制，係三分南行，七分北上，今則北少南多。應於分口兩岸接長南壩，取短北壩，俾順勢北行；再將何

山東運河之修治法

修濬亳州各河

疏築河南各支河

塞楊橋決口

借帑修沁水堤埝  
督辦直隸水道溝渠之成

家壩減低二尺，放入北運；於糧艘回空後，嚴閉南閘，使南運河下段堤岸畢出。凡不能興工之處，皆可興修，庶明歲漕運無悞。諭與劉統勳酌辦。曰修復至上江，將亳州之兩河口，及三道河，澠河，宋陽河，太和之茨河，明河，霍邱之高唐河，宿州之澮河，商邱之大沙河，一律修濬。旋至河南，疏陳自幹河外，共開支河三十餘處；如商邱之兩沙河，虞城之苑家堤，遂平之石洋河，上蔡之柳堰河，泥河，小茅河，新蔡之三岔河，各相機疏築，從此中州可永無水患。疏入，帝皆嘉獎。二十三年工竣，得旨優叙。二十六年秋，河決楊橋。曰修躬自履勘，塞決口二百餘丈。又言沁水出五龍山，性甚悍急，沿河堤埝，皆民辦，此次工大費鉅，請借帑興工，以紓民力。得旨嘉允。十二月工竣。二十八年二月，命督辦直隸水道溝渠事務。曰修濬蘆溝中泓，疏金門求賢二壩。築攔水埝，淪鳳河淤，兼治北運河，築南倉橫堤，以衛民居，改疊道以洩西流。九



襄疏濬濰河  
之辦法

沿河築不如  
疏

禁淀泊報壘  
障科

月工竣，請假回籍迎養。詔以濰河久未疏濬，命歸途便道勘辦。曰修奏宜厚蓄清水，以刷淤泥，遇應開黃壩閘，則堵南股河頭，應開西流閘，則堵北股河頭，使水匯入濰河，力足衝刷，庶無淤積之患。至南北二河口，宜築壩堵截，俾兩河清水全歸濰河，遇水漲時，仍啓壩分洩，於蓄洩乃爲合宜。帝嘉納焉。三十一年，命往勘江南淮徐支河，其毗連山東河南者，命一體閱視。三十六年復命勘滄州一帶運河情形。七月，有詔濬河利漕，命曰修往來調度查勘司其事。明年復詔督辦永定河北運河等處工程。奏言治河不外疏築二字。而築不如疏，其理甚明。直省之弊，在近水居民，與水爭地。如兩河淀泊，本以瀦水；乃水退一尺，則佔耕一尺，既報陞科，即呈請築埝，致堤埝直矗波心，橫決益甚。請勅所司，於一切淀泊，毋許報壘陞科，並不得橫加堤埝，俾水有所歸，則患自息矣。帝是其言，降勅嚴禁。此曰修治水之大略也。

鄂容安挑濬  
開歸陳三府  
幹河

鄂容安：於乾隆初年，巡撫河南。時開歸陳三府，地勢窪下，多水患，非開濬溝渠，不足資宣洩。容安歷查諸郡幹河，如賈魯河，大沙河，渦河，俱各深通。惟惠濟一河，上流尙須開濬。其支河內應開濬者，開封則有鄭州之金水河，七星河，中牟之欒河，祥符之城東乾河，南陽儀封之周家河，尉氏之乾河，陳州則有太康之燕城河，西華商水之洧河，睢寧之東西蔡河，枯河，古黃河，項城之蔡河，沉河，歸德則有寧陵之舊沙河，考城商邱之沙河，睢州之橫河，桃河，司家河，鹿邑之清水河，黑河，皆爲承受溝洫，貫注幹河之要道。容安酌量工程難易，或分年帶挑，或借給口糧，用民力籌辦，並於各屬挑浚處，每歲終，核勤惰，爲舉劾，使工員咸知慎重。疏聞，溫詔嘉勉。

畢沅在河南  
築河決及引  
水溉田

畢沅：巡撫河南。乾隆五十二年，河決睢州，溢寧陵商邱鹿邑永城柘城諸縣。詔阿桂會同籌畫，凡五閱月，蒞事，全活無算。明年，濬治百泉丹河九道

治湖北江水

堰，引水溉田，俾飢民得受僱值。尋授湖廣總督。時江水暴漲，溢入荊州城，下游州縣多淹沒。沅以江心塞金洲阻塞水道，爲上游之害；亟命拔去蘆葦，居民毋得占據；仍於北岸築壩，逼溜南趨，以資保護；修葺城垣隄岸，及官署民房，以工代賑。

百齡治河以  
謹守東清場  
爲第一義

百齡：於嘉慶初年，官兩江總督，命一力治河。首治積年未疏之海口，海口大暢，乃求效於河。大要以謹守東清壩爲第一義，撓令者必重創之。盡瘁河干者五年，黃流迄無倒灌患，即盛漲亦速消焉。

松筠造疏沙  
器具

松筠：官兩江總督。嘉慶十五年，偕河督吳璥，查勘舊海口，請修復舊河，使全防仍歸故道。得旨允行。會醫生王勳，獻疏沙器具，以堅木爲架，架鑲鐵齒，以巨絙繫船尾，能刷淤沙，使河流通暢；筠倣造四十架，親乘舟疏濬，果著效。得旨嘉獎。筠又以比年河北淤淺，糧運遲遲，請近撥船千艘，停泊禦

請停漕船備撥並改小漕船  
請引沁入衛  
陳黃河受病之由

請添南河河官  
在盛京放水  
犁地

興辦伊犁灌溉

黃壩外，備撥運；並以江廣漕船笨重，請改小以利通行。均從之。是歲漕艘渡黃及回空，皆迅速。筠之赴兩江也：疏請引沁入衛，以濟漕運；復疏陳黃河受病之山。尋命署南河總督。十六年春，疏報馬港口合龍，河復故道，並請於南北新隄兩岸，各設同知守備等官。下部議行。是年授吏部尙書，命往盛京會勘陵工，並籌辦移駐宗室房地各事宜。筠奏言：西廠大凌河東岸，有可耕之地三千頃，可移駐二千餘戶；東廠周數百里，地多積水，其水皆自北山柳條邊來；若自邊牆相地開河，使入川歸海，則可涸出沃壤。又東柳河溝一帶，亦多積水，若自北山東橫開大渠，束水入川歸海，亦可得沃壤數千頃。詔盛京將軍，於西廠地方，即行試墾。二十一年，充御前大臣。先是伊犁惠遠城旗屯田，與闢里沁回田，均藉東山闢泉水灌溉。上年阿奇木霍什納札特等，稟請開渠，引霍什河水，繞灌闢里沁回田，以闢里沁泉水，專灌惠遠城旗屯公田，筠覈實允行。

。至是以得水豐餘，兩有裨益入奏。

嚴如煜辦陝西水利

嚴如煜：於道光初年，由陝西知縣，累遷至按察使。其在漢中時，因平壩田衍，艱灌溉。躬履山河，五門楊鎮大小百餘堰，皆加濬治。嗣欲廣其法於全秦，奉檄視豐涇灃渭諸川，鄭白龍首諸廢渠，疏鑿蓄洩，規畫具備。

陶澍辦安徽水利

河淮交病請歸海運

請通吳淞海口

陶澍：官安徽巡撫。道光三年，大興水利，親勘壽州之芍陂，城西湖，懷遠之郭塘陂，荆山口，鳳陽之花源湖，鳳臺之蕉岡湖，及濱江之圩垸堤壩，次第等濬。五年夏，移撫江蘇，值河淮交病，漕運中阻，奏請歸海運。自道光三年後，吳中連歲水災，由太湖入海之路不暢。吳淞黃浦劉河，卽禹貢三江遺跡，自黃浦奪溜，而吳淞中幹日微，劉河則幾全淤，是以水無所洩。當事者屢議修濬，不果。澍疏言：今日治水，以吳淞爲最要，治吳淞，以通海口爲最要，請以海運節省漕項銀二十餘萬兩興工。得旨俞允。八年三月竣工，海潮直過崑

將緩漕糧變  
價爲漕河費

在劉河吳淞  
分洩處挑清  
水長河海口  
各建石壩

山而西、水深二丈以外，其攔湖大壩內外，刮刷淤泥立盡。湖復請借帶徵緩漕十餘萬石，變價爲漕劉河之用，部議未允。及遷總督，復與巡撫林則徐，合疏言劉河與吳淞分流，東達太倉，爲元時海運出口之路。其分支受常州諸水，由常熟昭文入海，近皆淤塞，關數州縣田賦之命。若開通海口，則潮汐復虞倒灌；莫若挑成清水長河，工省而利永。其海口各建石壩，置涵洞；平時築閉以禦渾潮，潦時放水歸海。共估劉河工十六萬有奇，借帑攤徵白茅工十一萬兩，官民捐辦。十四年工竣，適太湖蛟水驟漲，盡啓劉河白茅海口各壩，不三日，水消，歲仍大熟。吳中運道，莫要於徒陽運河，而練湖爲其上游，孟瀆則其旁支。湖自巡漕時，已條奏利害；及撫江蘇，益事講求。於六年大濬時，首將潞婆灘加浚，以除漕艘咽喉之梗。至是籌款二萬金，先復黃金閘，爲練湖關鍵；並改建丹陽之黃泥閘，以蓄全湖之水，而運河之上游治矣。其常州孟瀆，河旱則

治運河上游

治運河下游

引江潮以灌田，潦則宣洩入江，每遇運河冬月挑濬時，尤爲商船出入要路，自濬加濬孟瀆及德勝澡港二河，而運河之下游亦治矣。後之講水利者，多取法焉。

林則徐奏言  
稽料爲河工  
第一弊端

林則徐：於嘉慶末年，授杭嘉湖道，修海塘，興水利。道光三年，奉旨赴南河，督修河工。十一年，擢東河總督。奏言稽料爲河工第一弊端，其門垛灘垛併垛諸名目，非抽拔拆視，難知底裏；已將南北十五廳各垛逐查，有弊者察治。得旨獎爲認真。則徐之爲臬司也：奉詔綜辦三江水利，以憂歸；嗣經陶澍奏允孟瀆劉河分年籌辦，至是孟瀆工竣；則徐以劉河爲三江之一，淤墊尤甚，請勘辦。從之。則徐畿輔水利議，膾炙人口，時方多故，未能實行。其首倡挑河溉田，爲兩江振興水利，功尤不可沒也。

栗毓美治河  
之成績

栗毓美：於道光十五年，授東河總督。毓美前知武陟縣，黃沁堤馬營壩工

串溝變爲險  
工之故

，皆親與其役。及是益勤，詢河兵官久於河者，以地勢水脈，及前任行事之當否。蓋北岸自武陟至封邱二百餘里，南岸自祥符下汎，至陳留，六十餘里，皆地勢卑下，多串溝；串溝者在河堤間，其始但斷港積水而已；久之溝首受河，又久之溝尾入河，而串溝遂成支河；於是遠堤十餘里之河，變爲近堤之河；而堤河相遠之處，舊皆無工，不儲料者也；於是以無工之處，變爲至險之工，故人不及覺，覺且不及防，往往潰堤爲大患。毓美乘小舟，周歷南北；時北岸原武汎串溝受水，已寬三百餘丈，行四十餘里，至陽武汎，溝尾復入大河，又名沁河，及武陟滎澤諸灘水，畢注堤下，兩汎素無稽石，堤南北皆水，不能取土築壩；毓美即收買民磚，於受衝處，拋磚成壩，四十餘晝夜，成磚壩六十餘所；壩甫成，而風雨大至，支河首尾皆決開數十丈，而堤不傷；毓美由是知磚之可用。又試之原堤越堤，及攔黃，暨南岸之黑岡，皆效。遂奏請減買稽石銀，

知磚可用奏  
請減買稽石



銀備磚價

聖諭美用磚  
愈於楷石之  
奕疏

兼備磚價，計千磚爲一方，方價六兩，嗣後每有工役，碎石及楷埽用大減，數年間，省官銀百三十餘萬，而工益堅；有不便其事者，持異議，語頗上聞。毓美前後陳奏曰：護堤之方，率用楷埽；然埽能壓積水勢，俯謁堤根，又易朽腐，至碎石坦坡，惟鞏縣濟源產石較近，而探運已艱；河工失事，多在無工處所；千里長堤，勢不能盡爲籌備；而河勢變遷不常，衝非所防，遂爲決口。磚則沿河民窰，終歲燒造，隨地取給，不誤事機。且磚及碎石，皆以方計；而石多嵌空，磚則平實，每方石五六千斤，而磚重多三分之一，一方石價，可購磚兩方，而拋磚一方，當石兩方之用，其質滯於石，故入水不移，堅於楷，故久水不腐。又土不能築壩水中，磚則能水中拋壩，即盪成坦坡，亦能緩受急衝，化險爲易。或謂磚可保將生未生之工，昔衝工之決，因灘陷埽不能拖，馬營壩之決，因補堤不能得碎石；使知用埽不如拋輒，收輒易於運石，則數千萬之官銀

易稻石以磚  
自粟饑美始

可省。疏入，允之。終毓美任年，河不爲患。有清河臣，皆有名績；然修築率仍舊法，易稽石以甃，自毓美始；非卓識精思，身試而得之所以然之故，不能創此法也。

僧格林沁興  
辦鹹水沽  
沽各地水田

科爾沁親王僧格林沁：於咸豐九年，督兵大沽海口。以海河兩岸，舊有水田，日久廢棄，倡勸捐貲，在於鹹水沽，營田三千五百四十畝；葛沽，營田七百五十畝；挑溝建閘，引用海河潮水，以資灌溉；就地招集農民，發給資本認種；斥鹵之區，遂成沃壤。

李祿來請挑  
土燒磚興水

李祿來：浙江餘杭廩生。於道光末年，呈南湖圖說於當道。謂先開一十字河，挑出之土，即可燒磚，磚多價廉，築牆以磚，可以禦水，此以工代賑，浙西數百年民生利害之所關。工甫興，東南兵作，遂置弗議。咸豐十一年，祿來殉節，書亦燬於火。事息後，劉汝璆守杭州，水汎爲災，計一隄用費，即需十

蔣薊泉在浙  
江修堤講灌  
溉

劉汝璆辦浙  
江水田

萬，躊躇無策。巡撫蔣薊泉，用守城湘勇修隄，歷兩月功成，下流無汎溢之患，而沿湖有灌溉之利。嗣汝璆任金衢嚴道，以金華永康長溝六十里，毗連處州，自明壅塞，久未開鑿，不能墾植，乃捐廉倡修之；紳民踴躍，不一月而功成。衢州西安之桃枝堰，水源來自福建，陰注田地，富甲各處，堰口上有深溝，爲饅頭山梗阻，擁水成潭，深不可測，溝道既爲山阻，流水乃從潭邊石疊流出，繞過山足，懸巖疊石，壓重自圯，屢修屢圯，利廢害生。汝璆以水阻易潰，稟請開山，計開鑿寬一丈，高四十八丈，長三十二丈，閱六月而功竣。又用開山石堅築水溝，溝堰相輔，淳蓄多水，以備旱潦。自成功後，江西廣信等處，來開鑿引水灌田者，不下數萬人。

崇厚請開天  
津水田

崇厚：於同治初年，官侍郎。請開天津水田章程疏，略云：據大沽協都司鄧啓元，天津海防同知姚經陞，面稟云：前開地三千五百四十畝，近年有佃種

者，二千七百九十畝，餘因收成不齊，佃逃地荒。詳查其中，尙堪招佃承種者，二百四十餘畝，餘五百餘畝，非滲漏不能儲水，即鹹城不能滋長，實因地勢使然，非因耕耨不力。必添開進水溝一道，則前項荒地，留有二百畝，可以招佃承種，並於溝旁荒地，可開闢七百五十畝，一律引水種植，共計收復並復開一千餘畝；俾已成之田，不致仍復廢棄，而水利可以推廣矣。詔從之。

卞寶第疏請  
甯河天津交  
界處辦水田

卞寶第：於同治四年，疏稱：甯河天津交界處，有棄地六七十里，曠無居人，廢棄可惜。甯河所屬軍糧城，七里海，陳家溝一帶，頻臨海河，引水灌溉，可開稻田一千餘頃。歲可收稻米十萬石。無水之時，可以灌溉，水漲之時，可以宣洩，開渠二道，官爲經理，計渠一道，共三十餘里，兩道共長六十餘里，招佃墾種，確可得稻田四千餘頃，變斥鹵爲膏腴，洵爲美利。奉旨允行。

丁顯請恢復  
淮河故道

丁顯：山陽人。同治五年，淮決清水潭。顯倡議疏浚，主恢復淮河故道，

曾國藩張之  
萬合請開設  
淮局因戰停  
辦

裴蔭森請導  
淮未實行

張之萬挑舊  
黃河

宣統元年設  
江淮水利局  
於清江浦

著書公布於世。六年，與宿遷蔡則澐，稟請江督曾國藩，漕督張之萬，蘇撫郭柏蔭，會奏清廷，經部報可，開設淮局，以謀進行，旋因戰事停辦。同時又有裴蔭森等，稟請導淮。曾國藩批擬先浚成子河，分淮入黃，東至海口，西出桃源百里，逐年修浚，若著成效，再疏關口，儻再有效，再行堵塞三河，確定淮道。亦以事體重大，未克實行。嗣丁顯等，又於馬新貽任內，遣李成抱告京控，由都察院靈桂代奏；奉旨交馬新貽張之萬丁日昌據情會奏。此後漕臣張之萬始掘挑舊黃河，及張福石等河，由議論而稍稍見諸實行矣。光緒六七年間，江督吳元炳劉坤一踵而行之，功效甚微。九年，左宗棠督兩江，又議復淮。會左移督閩浙，事亦中止。光緒三十二年，通州張謇，海州許鼎霖，呈請江督端方設局測量，旋復作罷。宣統元年張謇復提導淮議案於諮議局，經衆可決，於是設江淮水利公司於清江浦。着手進行。

陳庭經謂江南水利有合於遂人之法

兩江振興水利功始於林則徐  
江北湖田之由來

陳庭經：謂江南水利，有合於遂人之法。三江之兩傍，或十里，或五里，則有縱浦，縱浦者，江之支流也，縱浦之兩傍，或三里，或二里，則有橫塘，橫塘者，又浦之支流也；塘之兩傍，又有港汊，港汊之兩旁，又有溝渠；而凡江浦涇塘之上，莫不有岸；萬夫有川，三江也；川上之路，則江岸也；千夫有澮，縱浦也；澮上之道，則浦岸也；百夫有洫，橫塘也；洫上之塗，則塘岸也；十夫有溝，港汊也；港上之畛，則港岸也；夫間有遂，溝渠也；遂上之徑，則隄圩也；此即遂人之法也。禹貢揚州之域，厥田下下，而至今皆成饒沃者，得水之力也。清季首倡挑河溉田，爲兩江振興水利，其功始在於林則徐焉。至江北湖田，記載可考者，厥地有二：一爲銅山沛縣境內之昭陽湖微山湖；一爲界流陽東海之青衣湖。咸豐元年，黃河決豐工上下游，沛縣等屬，正當其衝，凡微山昭陽之湖地，銅沛魚臺之民田，均已匯爲巨浸，民皆遷徙。五年，河決

李鴻章覆陳  
直隸河道地  
勢情形疏

五大河中永  
定河爲患最  
深病在蘆溝  
以下須挑去

銅瓦廂、鄆城等屬，正當其衝；於是鄆城嘉祥鉅野等縣之難民，由山東遷徐；其時銅沛之巨浸，復爲新濶之淤地，相率聚居，墾荒爲田，結棚爲屋，持器械以自衛，立團長以自雄，來者日多，時起爭端。河臣准其勘丈湖荒，分上中下三等，設立湖田局，檢掣征價，輸租充餉，通築長隄，名曰大邊，以清東民與土民之界；各團相峙，共十八團。厥後主客爭執，每釀巨患。曾國藩駐節徐州，持大同主義，只問良莠，不問主客，以大兵驅逐滋事通匪之孫王兩團回籍，餘十六團，仍留故地，是爲今之湖陵十六團，兩湖久經河淤，今皆爲沃壤矣。

李鴻章：督直隸最久，講求水利亦最力，其事見於光緒七年，覆陳直隸河道地勢情形疏，略謂：五大河爲一省之綱，東西淀爲各河之要，須先從此入手，若房山正定一帶，尙非急切者。五大河之中，以永定之害爲最深；然蘆溝以上，束於兩山之間，向無工程，其病實在蘆溝以下，須挑去二百餘里中淤一二

積沙否則須  
另築南隄

大清北運南  
運分別挑濬  
加堤修閘壩  
減河  
漚沱故道難  
復上游難分  
下游難洩

東西淀泥厚  
難施力  
修復金門閘  
各功  
治大清河之  
法

丈之積沙，方能順軌；否則以南隄爲北隄，而改河使南，另築南隄以障之，亦可安流弭節而去。此二策者，勞費皆不可勝計。若挑去全河極厚之積沙，自來無此辦法，亦無出沙堆積之處；若改南隄爲北隄，則固安永清兩縣城，近靠南岸，須議遷建，尤於民情不順。其大清北運南運，則須分別挑濬河身，加築隄埝，修復閘壩減河，始保安瀾。統計工程，皆極繁巨，萬萬無此財力。漚沱趨向無定，自來不設隄防；同治七年，由藁城北徙，以文安大窪爲壑，其故道之難復，上游之難分，下游之難洩，曾國藩與臣，均詳陳有案。東西淀寬廣百數十里，淤泥厚積，人力難施；頻年以來，修復永定河金門閘，及南上北三灰壩，以資分洩，裁灣切灘，以紓溜勢，加築堤段，添備麻袋土車，以助搶險。大清河，則於新雄境內，開蘆溝減河，於霸州文安境內，接開中亭河勝芳河，以分洩上游盛漲；於任邱，開趙王減河，以分洩西淀盛漲；並將堤埝分別修築；



治滹沱河之法

治北運河之法

治南運河之法

治其他各河之法

今年又於文安左各莊至台頭，挑挖河身二十六里，寬十餘丈，深丈餘，以暢下游去路。滹沱河，則於河間及文安窪，酌開引河兩道；今年又於獻縣朱家口，另闢減河三十餘里，均歸子牙河達津，以輕河獻任雄霸保文大積患。北運河，則於通州築壩，挽復潮白河歸槽，不使橫溢；於香河王家務，武清筐兒港，修復石壩，以減漲水；於天津霍家嘴，疏濬引河，以通下口；今年又於武清寶坻境內，挑挖筐兒港王家務兩減河河身，以資暢洩。南運河，則於青滄靜海等處，修復堤工二百餘里；因東境四女寺哨馬營，直境捷地興濟，四處減河久廢，遂於靜海之靳官屯，另開減河六十餘里，使別途出海，不併注於津河；又於天津城東永定大清滹沱北運交會之陳家溝，開河百餘里，以分洩四大河之水，逕達北塘入海，庶免海河過於壅滯。其無深蠡博高陽一帶，則堅築千里河堤，以防滹沱北越。任邱至天津一帶，則加築千里格淀堤，使河自河而淀自淀。西沽

開溝灌地鑿井之法

周盛傳開津東興農鎮至大沽之新河營稻田

中東戰後招民墾小站水田

韓家樹上至東淀，則用西洋機器船，節節挖淺，水路已通。又於廣平開洛河，順德挑河，趙州濬泴槐河，及此外各屬河道堤壩，受害較深者，亦隨時酌量疏築，並令地方官民，於無碍運道官堤之處，或擇開溝洫，或厚水灌地。有泉源者，察看疏濬，距河遠者，開鑿井眼。若河間府屬井工，則係專案辦理。以上歷年所需工費，除勻撥賑款捐項，以工代撫外，並抽調淮練各軍，分助挑辦。淮軍統領周盛傳，更於津東之興農鎮至大沽，創開新河九十里，上接南運減河。又於減河兩旁，各開一渠，以便農民引灌。其興農鎮以下，又開橫河六道，節節挖溝引水，營成稻田六萬畝，且耕且防，海疆有此溝河，亦可限戎馬之足，云云。迨中東戰後，直督招民承墾小站水田，其初無一人應招，嗣一二佃戶，積利致富，承墾者始絡繹不絕。故今之小站附近水田，墾植者頗多，而其他地方，尚依然荒僻。此蓋北人未習水稻，不知種稻之利；且需資倍於旱田，而

豐蓄未定，故望塵而却步也。

王同春在河套開濬私渠溉田

美國人斐里斯與蒙人直接交涉開渠溉田  
河套人用官渠溉田須向水利官署納租  
段續在皋蘭創設水車

王同春：在河套開濬私渠溉田。蓋河套自清代隸中國版圖後，民之來耕者日以衆。套中地質犖确，雨澤又稀，非賴黃河水漲時，充分灌溉不爲功。黃河不能直接灌溉，必多開引水之渠，功效始見。渠有幹渠支渠官渠私渠之分，官渠其初祇有三道，餘均爲王同春所有，後爲墾務局沒入官，而同春開渠之功，不可沒也。嗣有美國人斐里斯，傳耶教於河套，歷十三年。曾在五原縣東南，開鑿水渠，計長九十里，費銀一萬兩，可澆地八百餘頃。斐里斯與蒙古人，直接交涉，凡納租修渠，墾地引水，中國水利機關，不能過問。至該處民間所有糧地，用官渠引水溉田者，納糧銀之外，每頃須納水租四兩五錢於水利官署。

段續：甘肅皋蘭人。創設水車，製木斗爲方形，排釘於車輪之四周，豎置於岸高水深處，逆齒近水，汲水上升，每大車一輪，可灌田七八百畝，小車亦

甘肅全省之  
水利

可灌田四五百畝，農戶競相仿效，兩岸排輪如雉堞，河流湍急處，均採用之。查黃河自貴德入甘境，迄於入套，共歷城十三，紆迴曲折，計水道有二千三百里。自河州以下，始見渠工。入皋蘭境，土沃物豐，灘皆墾植。河流金縣亂山中，瀉如瀑布，土人沿山引水溉田。靖遠黃河堰，灌溉田畝，一望無邊際。中衛廣宇天開，平疇棋布，水利益溥。寧夏沃野千里，彌望皆青。渠之大者，有漢泊渠胡渠御史渠。御史渠溉田二千餘頃，漢泊渠與胡渠，共溉田五千餘頃。每渠各有支渠，計溉田之數，中衛得三千三百餘頃，靈寧四千餘頃，靈州七千餘頃，地愈北而渠愈大，水利愈富。中衛勝於皋蘭，靈寧靈州又勝於中衛，至寧夏則洋洋大觀，而造灌溉器者，必推段續爲首焉。

劉典修陝西  
涇水之龍渠

劉典：於同治八年，巡撫陝西，籌款修理涇水之龍渠。迄光緒中葉，時復修築。渠長十餘里，爲古鄭白渠之遺址，向灌涇陽高陵三原醴泉四縣田。而涇

徑水灌溉涇  
於渭水

水之灌溉，終遙渭水流域。渭水連陝甘兩省經流各地，水土腴衍，氣候溫和，地苟可闢，莫不引爲水田。然渭水水利，秦隴共之，上游合流者多山泉，水清且甘，下游合流者多沙河，水濁而肥。龍渠土質堅牢，一勞而水利永存；秦渠沙性鬆浮，疏浚而水利始溥；性質雖異，其爲利則一也。

彭玉麟奏陳  
樊口堤及武  
昌關河築壩  
有碍水利

彭玉麟：官侍郎時，於光緒四年，巡閱長江水師。查報樊口堤及武昌縣關

河築壩，有礙水利疏。略謂：查梁子湖一帶港汊，兩岸皆平疇沃野，水利灌溉，農民賴以安業。濱湖各州縣所屬田畝，武昌居十之五，各州縣分居其五，而武昌之田畝，又莫廣於三坂，人稠地寬，若每年不被水災，可播種三十餘萬石，每石穀種若遇豐收，可得穀十石有餘，約計可收穀三百餘萬石。又加之各州縣所屬濱湖之田，雖地有寬窄，田有肥瘠，綜計亦可收穀三百餘萬石。而此六百餘萬石穀之收成，全賴瀕湖田地之不被水淹。欲田地不被水淹，全賴樊口地

面之建築閘壩。無閘則水無堵禦而田淹，田淹則弱者轉於溝壑，強者流爲盜賊。有閘則地有灌溉而田熟，田熟則農得倍收之利，國多維正之供。湖北水利之可言者，如此而已。

康熙齡請禁  
私圍  
洞庭湖之

賀熙齡：於有清季年，疏清查洞庭湖瀕私垵，永禁私築，略謂：自康熙時，許瀕湖居民，各就湖邊荒地，築圍成田。於是長沙湘陰武陵龍陽沅江澧州安鄉巴陵華容等十州縣，有曾被水衝發帑修復之官圍，復有未經帑修陸續圈築之民田。嗣因居民增築無已，佔湖愈多，湖面愈狹，泛濫可虞；是以乾隆年間，楊錫紱陳宏謀等，先後奏准永禁私築，刨毀私圍。嘉慶七年，撫臣馬慧裕，歷勘長沙各州縣，續報私圍私垵九十一處，而已刨毀三處，並定明遇水衝潰，不准修復。而小民趨利，視禁令若具文；官吏姑息，縱刁民以養奸；於是湘陰一帶，前後刨毀之私圍，今復更易名色，從新修築矣。似此累歲增加，阻塞水道

在洞庭湖中  
山後開新河

望泰在四  
川興水利

，水發橫溢，爲害無窮。請嚴申禁令，命每歲水利各官，詳細查勘，遇有新圍阻水，即行刨毀；庶水患可除，水利可興矣，云云。蓋湖瀕淤地，肥沃易耕。然任意圈種，則遇漲而湖小難容，禍遂無已；賀疏可謂統籌全局。至湖內交通，因多亂石之故，覆舟無算。光緒四年，當地紳商，曾於湖中山後，別開新河，使往來舟可避險，成效大著。

望泰：於道光末年，官四川懋功縣知縣。懋功地高難掘，百仞及泉，用水維艱。縣城內外千餘家，非下山汲水，無以供飲料。望泰親勘各地，冀得水源，嗣於城南開一渠，引水入城，名曰利民。又合州爲三江總匯之區，中爲鉅梁虬門二灘，以石多浪急而險，沉沒覆溺者夥。乃於鉅梁灘，別開漕口，長二十五丈，進口寬六丈五尺，深七尺，出口寬八丈六尺，深一丈一尺，酌修繕道，坦如也。其浚虬門灘，斬石挖淤，疏浚江流，灘中數險，一律鑿平。始事於

仲冬，竣工於季春，統費貳千三百餘萬緡。工竣之後，方之舟之，波濤不驚，商旅交口稱頌，其時爲咸豐同治之交。望泰興水利於四川，若林則徐興水利於江蘇，其爲成都府水利同知時，兩修都江堰，溉十四州縣之田，活億萬生靈之命，厥功尤偉。

何璟在福建興水利

何璟：於光緒初年，官閩浙總督。因福建省城，東港西港，沙石壅塞，江水橫決，設局開濬。用船政衙門機船及洋機，疏通各處沙洲，分段插竹，導水歸港。自光緒三年九月起，開始興工，至四年四月竣工，共用銀四萬一千餘兩。開鑿以後，四五兩年，均無水患。

張之洞在廣東興水利  
廣東水患在多堤與北省異

張之洞：官兩廣總督。廣東水患，與北省異。北部水患，患在無堤，廣東水患，患在多堤。無堤則害多而利少，多堤則利多而害亦隨之。之洞於光緒十一年，大修廣肇兩府堤工，以謀水利。其立案疏略謂：廣肇兩府之水患，考諸



省志，每數十年一見，近二十年來，幾於無歲無之。上年通省潰決圍堤一百五十餘處，而高要高明四會清遠三水南海六縣，佔一百二十九圍。本年九月，派員攜帶算生勘測圖式，籌計辦法。擇圍大田多，當衝受灌者，分別首衝次衝又次衝，酌加修築。十一年十月興工，十二年四五兩月，先後告竣。南海計共五十二圍，支用銀十萬二千餘兩，合之三水等處，共用銀三十四萬餘兩。每年少決十餘圍，即爲民間保全錢穀百餘萬。此廣東治堤即所以興水利之明驗也。又潮州府屬，於光緒十一年七月，韓江水漲，衝決海陽饒平澄海三縣堤岸，淹沒田廬，紳董集議修治之。

林肇元在貴州開都勻河種桑苗

林肇元：於光緒初年，官貴州巡撫。開鑿都勻河，試種桑苗。都勻河者，沅水之遠源也。舊屬苗疆，不受舟楫。雍正七年，鄂爾泰始奏請開浚，日久阻塞如故，龍立洞兩岸，壁立千仞，巨石側壓，橫互江心，舟每覆沒，土產各貨

，無可憊遷。肇元乃捐銀，命都勻知府鄒元吉，督浚都勻河，期便交通，試種桑苗，以爲民利。於光緒六年十一月興工，至七年三月而工竣，計工程自都勻城南起，至龍王洞以下之下司止，共長二百餘里。所有阻梗，一律修除，商民運輸貨物，行旅泛舟往來，均無阻礙，而都勻養蠶，亦於是時開始焉。

馬吉森在河南改天平渠故道辦灌溉

馬吉森：河南安陽人。於光緒三十年，採天平渠改道之議。天平渠在安陽縣西北，漳河南岸，引漳行渠，灌溉多地，水利爲全省之最。開鑿在二千年前，乃魏史起之遺跡；嗣湮沒不用者，垂二千年。光緒初，晉豫兩省，連年苦旱；遂由邑民稟請疏浚，天平渠遂由是復新。歷任地方官，亦屢續試辦。然泥守舊道，續用弗成。蓋古渠淤積過高，最低處，較閘門引漳河河底，高四五尺，最高有至四丈四尺者，工倍事半，引水匪易，歷久無功，職是故也。吉森既議改道，組織溥利公司，挑挖新渠。然辦理未善，旋亦停止。宣統元年，袁世凱

組織溥利公司

袁世凱立天  
平渠灌田股  
份有限公司

罷官歸里，隱居滄上，主持另立天平渠灌田股份有限公司。至民國二年，而渠工始成，溉田三萬餘頃，至豫南水利，則以固始爲最。

山西講水利  
始自中華民  
國成立後

有清一代講求水利諸人，已略如上所述矣。而各省水利，亦可卽此而得其大凡。其缺者，惟山西滿洲新疆。山西自民國成立，始列水利爲六政之一，力事提倡，組織打井隊，勸民鑿井溉田，並有廣裕福水各水利大公司之組織，前清時代無是也。姑取滿洲新疆之水利，略言如下：

滿洲松江遼  
河二流域之  
水利

滿洲之松江遼河二流域，清初禁漢人開墾。光緒四年，始弛禁令。六年設移民委員於吉林，獎勵開墾。自是各省人民，移往者甚夥。十九年，以新闢之地，增置懷仁安東通化寬甸四縣。日俄戰後，日人大增，營水田於新民長春開原及關東州等處。宣統元年，又於南滿鐵道附屬地內，設勝弘農場，逐年發展，產額日增，吾國人人趨亦趨，亦逐漸種稻於各地。據日本關東都督府之調查

東三省水田之概要

，南滿稻田，至民國二年，收穫量已達十五萬石之多，稻田計有二百萬町步。以吾國畝數計之，已有五千餘萬頃；收穫量達三千萬，至三千五百萬石。三井物產公司奉天支店所調查僅奉天以南稻田可植者，即有一百萬町步，收穫在一千萬石以上。吾國奉天農事試驗場之成績，玄米每畝可穫二石五斗至三斗。其水利之溥，亦可畧窺一斑矣。

新疆水利創自林則徐及張曜

新疆經年少雨，河流乾涸時多，農民所恃者，惟夏令山嶺融雪之水耳。林則徐始教民掘坎井聚水，穿隧道分佈，張曜又創架槽之制。蓋土係沙質，渠易漏也。槽以木製，底鋪毛氈，以防滲漏，起自山麓，遠渡沙漠，以至用水之地，長恒亘數里，居民至今賴之。